

Siunnersuummut nassuaatit

Nassuaatit nalinginnaas ut

1. Aallaqqasiut

1.1. Siunnersuummut tunuliaquataasoq pingarneq

Maannamut nuna tamakkerlugu digitalinngortitsinermi periusissiami (digitaliseringstrategimi) sammisamut 5-imut ilaasup Kalaallit Nunaanni Tunngaviusumik paasisutissanut pilersaarutip (det grønlandske Grunddataprogram-ip) malitsigisaatut, siunnersuut manna saqqummiunneqarpoq. Tunngaviusumik paasisutissanut pilersaarummi aqqut ilaat tassaavoq najukkanut nalunaarsuiffiup pilerskiartuaarnissa, siunnersuummilu matuman, najukkanut nalunaarsuiffimmik qarasaasiakkortumik maleruagassiuniissaq siunertaavoq. Najukkanut nalunaarsuiffimmik qarasaasiakkortumik (digitaliusumik) imaluunniit najukkat pillugit inatsimmik ullumikkut peqanngilaq.

Pilersaarummi (Programimi) najukkat pillugit suliaqarnermi aqqut (adressespor), suleriaatsinik pitsangorsaaqataassaaq qarasaasiamullu nuussuinerterik annertusaaqataassalluni. Maannamut assaannarsuutigalugit suleriaatsinut sanilliullugu, ikkusuinerterik, allannguinermik najukkanillu atorunnaarsitsinerit pillugit suliaqarneq qarasaasiamut nuussorneqassamat, qarasaasiakkut najukkanut nalunaarsuiffiup Kalaallit Nunaanni najukkanut tunngatillugu kukkunerit annikillisinnissaat qulakiissavaa. Allatut oqaatigalugu, najukkanik passussineq qarasaasiamik nalunaarsuutikkut ingerlanneqalerpat kukkunissaq ajornarerulissaq.

Taamaattumik kommunimi, Namminersorlutik Oqartussani suliffeqarfinnilu sulisut, najukkanik paasisutissanik pisariaqartitsisut, sulinerannut najukkanut nalunaarsuiffik oqilisaaqataassaaq, tamannalu qarasaasiakkut nalunaarsuiffik sulianik- suleriaatsinillu sunniuteqarluartunik nutaanik nassataqarsinnaammat, kommunit najukkanik nutaanik nalunaarsuinerterik najukkanut sulisuk illisarsinaerannik nassataqarsinnaalluni.

Tamatuma saniatigut najukkanut nalunaarsuiffik pisortatigoortuulluni Kalaallit Nunaannut tamarmut atuutilissaaq, ima paasillugu, najukkat nalunaarsuutaannik Kalaallit Nunaanni atuisut tamarmik najukkanik nalunaarsuutinik najukkanut nalunaarsuivimmut aallertassasut. Taanna isumaqportaaq, najukkanut nalunaarsuiffik Kalaallit Nunaanni sumiiffimmi ataasiinnarmi iluarsanneqartassasoq, tamatumami akerlianik ullumikkut imaammat kattuffiit suliffeqarfiiilu namminersortut allallu innuttaasut najugaannik allattugaatitik nalunaarsuutillu namminneq pigisatik namminneq nakkutigimmatigit. Kalaallit Nunaanni najukkanut ataasiinnarmik pisortatigoortumik nalunaarsuveqarnissaanik najoqqutassiaq taamatuttaaq najukkamut nalunaarsuutip sorliup eqqortuuneranik

nalornisoqanngisaannarnissaanik qulakkeerivoq. Apeqqut taama ittoq ullumikkut pilersinnaasarpoq, tassami assigünnitsunik arlalinnik assingusunik Kalaallit Nunaanni najukkanut nalunaarsuuteqarmat. Kalaallit Nunaanni najukkanut nalunaarsuummut CPR-ip (inuit pillugit nalunaarsuveqarfip) aqqusinernut nalunaarsuvian i nalunaarsorneqartut atorneqartullu, Kalaallit Nunaanni Najukkanut Nalunaarsuiffimm Najukkanilu kalaallit najugaannik paassisutissat akornanni naapertuuttoqarnissaa, pisortatigoortumik siunissami pisalissaaq.

1.2. Inatsisip piareersarnerani imarisat

Najukkanik suliaqarnermi aqqut, Kalaallit Nunaanni Tunngaviusumik paassisutissanik pilersaarummi aqqutit tallimat ilagaat, nutaamillu nunamut tamarmut qarasaasiatigoortuusumillu najukkanut nalunaarsuiffimmik, nunatsinni najukkat tamarmik nalunaarsorneqarfissaannik ineriaortortsinissaq pingaarnertut siunertaalluni. Tamatuma ilaatigut Kalaallit Nunaanni illoqarfimmi nunaqarfinnilu innuttaasunut, politiinut upalungaarsimanermullu sulialinnut aqqutissarsiornissamik ajornannginnerulersitsissalluni kiisalu sumiiffimmataasiinnarmi iluarsaaneqartartumik, najukkanut paassisutissanik nalunaarsuinermik aaqqissuullaagaanerusumik qulakkeerissalluni.

Kalaallit Nunaanni Najukkat pillugit inatsimmut siunnersuutip najukkanut nalunaarsuiffissap malittarisassiunneqarnissaata siunertaraa, taamaaliornikkut nalunaarsuiffiusussap qarasaasiatigoortup inatsisitigut tunngavia ta pissarsiarinissa.

Naalakkersuisut, Kalaallit Nunaanni Naatsorsueqqissaartarfimmit, Asiaq-mit Kommuneqarfik Sermersuumiillu (aqutsisoqatigiinni siulittaasuusumit) kiisalu Digitalimik Sullissinermut Aqutsisoqarfimmit (Digitaliseringsstyrelsen-imit) sinnisuuffigineqartunit pingaarnertut Kalaallit Nunaanni Tunngaviusumik paassisutissanut pilersaarut aqunneqassaaq.

Inatsisisatut siunnersuutip ilusilersoneranut peqatigitillugu Kalaallit Nunaanni Najukkanut nalunaarsuiffiup atortorissaarutitigut teknikkikkut ilusilersoneqarnerata ineriaortinneqarneranik suliaqartoqarpoq kiisalu Kalaallit Nunaanni najukkat pillugit ullumikkut paassisutissat iluarsartuunneqarlutik, taamaaliornikkut najukkanut (adressinut) nalunaarsuiffimm nutaami atorneqartussanik, najukkanut suliassaqarfimmi paassisutissanut tunngavimmik ajunngitsumik tutsuiginartumillu peqarnissaq qulakkeerneqassalluni.

1.3. Inatsit atuuttoq

Ullumikkut Kalaallit Nunaanni najukkat pillugit inatsiseqanngilaq, qarasaasiakkoortumillu digitaliusumik najukkanut nalunaarsuiffimmik Kalaallit Nunaanni Tunngaviusumik paassisutissanut programmip ataaniittussamik pilersitsisoqarmat Inatsisartut inatsisaannik peqartariaqarneranik pisariaqartitsineq aatsaat saqqummerpoq.

Najukkami taasarialinnut arlalinnut aqquserngit taaguutaat ilaapput, ullumikkullu sanaartorfigiuminarsaaneq, pisortat kuuffeqarfinnut aqqusersuutaat aqquserngillu pillugit Inatsisartut inatsisaat nr. 16, 17. november 2010-meersumit pisortat aqqusiniutaasa aqunneqarnerat, ilaattillugit pisortatigoortunik aqqusinernik aqqusineeqqanillu nutaanik pilersaarusrusiorneq suliarinninnerlu, maleruagassiunneqarlutik. Kommunit killeqarfiisa iluini sumiiffinni sanaartugalinni aqquserngit ingerlanneri aserfallatsaaliornerilu kia akisussaaffiginerai Inatsisartut inatsisaanni allassimavortaaq.

Najukkap ilaanut taasariallit allat soorlu illuliat normuinut, illut normuinut illullu immikkoortuusa normuinut maleruagassaqartitsisumik, Inatsisartut inatsisaannik ullumikkut peqanngilaq. GTO-p kaajallaasitaa 2.088, 12. marts 1987-imeersoq illuliat normussaannik (B-normunik) kiisalu illup ilaanut ataasiakkaamut normussamik (enhedsnormunik) (inissiat normuinik kaajallaasitami taaneqarsimasunik) tunniussinermi malittarisassaqartitsillunilu najoqqutassaqartitsivoq.

Isumaqafigineqanngilaq Inatsisartut inatsisaat nr. 3, 15. april 2011-meersoq tunngaviliisoq, allakkerinermik isumaginninnissamik pisussaaffeqartoq suliffeqarfik, Kalaallit Nunaanni postnormunik nutaanik nutarterisartuussasoq imaluunniit aalajangersaasassasoq, Kalaallit Nunaannilu inatsimmik allamik tunngavissaqartunganani. Maannamut postnormunik aaqqissuussap ilaanik Kalaallit Nunaannut atasumik nutarterisarneq POST Greenland isumagisimavaa, tassalu postnormut Kalaallit Nunaannut atuuttut 3900-ip 3999-sillu akornanni inissisimapput.

Pisortat najukkanik nalunaarsuinerinut sumiiffit ataasiakkaat ilaatinneqanngillat, kalaallilli nunaanni kommunerujussuit iluini nunap assingani annikinnerusunik agguataarininarnermi pingaarutilittut sakkussaallutik. Taamaattoq maannamut Sumiiffinnut nalunaarsuummut (Lokalitetregister) maleruagassiuisumik Inatsisartut inatsisaannik atuuttoqanngilaq, taamaattumillu Najukkat pillugit inatsimmi § 6-imut aalajangersakkamik uiggiussisoqassasoq, taamaalilluni Sumiiffinnut nalunaarsuiffiup (Lokalitetsregisterip) ingerlanneqarnerani inatsisitigut tunngavissamik peqartoqalernissaa siunnersuutaalluni.

Kalaallit Nunaanni Nunat Aqqinik Aalajangiisartut pillugit Inatsisartut inatsisaat nr. 4, 1. juni 2017-imeersoq (Nunat Aqqinik Aalajangiisartut pillugit inatsit) ilaatigut imaqarpoq, Kalaallit Nunaanni Nunat Aqqinik Aalajangiisartut sumiiffit pillugit paassisutissiinernik siunnersuinernillu pisortatigoortumillu taaguusersuisarnernik nalunaarsuisarneq qulakkiissallugu suliassarigaat. Taamaalilluni amerlanertigut qaqqat, qeqertat, inummit qeqertaliat qeqertaaqqalluunniit orpeqarfiliaalluunniit assigisaallu, sumiiffit allallu, tassalu illoqarfinni nunaqarfinnilu najugaviunngitsut Kalaallit Nunaanni Nunat Aqqinik Aalajangiisartut nalunaarsugassaraat.

Oqaasiliortut pillugit Inatsisartut inatsisaat nr. 5, 1. Juni 2017-imeersoq (oqaasiliortut pillugit inatsit) ilaatigut allattaaseq, aammalu piginnaatitaanerup tamatuma oqaasiliortuniinnissaa pillugit maleruagassanik aalajangersaasarloq.

2. Siunnersuummi immikkoortut pingarnerit

2.1. Siunnersuutip imarisaata naliginnaasumik ilusaa

Illoqannginnersat-, aqquserngit- aqqusineeqqallu aqqa aamma najukkat qarasaasiakkut digitaliusumik assigiaartumik nalunaarsuineq atorlugu nalunaarsorneqarfissaannik Kalaallit Nunaanni najukkat nalunaarsuiffiannik taaneqartumut aaqqissuussamik (system-imik) nutaamik nuna tamakkerlugu pilersitsisoqarnissaanut siunnersuummik siunnersuut imaqarpoq. Taamaalilluni nalunaarsuiffik pisortatigoortoq Kalaallit Nunaanni illoqannginnersat-, aqquserngit, aqqusineeqqat aqqinik aamma najukkat pillugit paasissutissanik aallertarfingussaaq, nalunaarsuiffituaalissallunilu Kalaallit Nunaanni najukanut paasissutissat nalunaarsorneqartarfiat nutarterneqartarfiallu. Kalaallit Nunaanni kommunit paasissutissanik nutarterisarfiani CPR-ip (inuit pillugit nalunaarsuiviup) Aqqusinernut nalunaarsuviani, CPR-imi (inuit pillugit nalunaarsuivimmi) suliassaqarfimmik maannamut suleriaatsimut akuliunnissaq, Siunnersuummi siunertarineqanngilaq.

Tamatuma saniatigut maannamut Sumiiffinnut nalunaarsuiffiup (Lokalitetsregister-ip), nunami sumiiffit tamakkulu pissusiinik (savaateqarfiuersut, illoqarfiuersut, nunaqarfiuersut aatsitassarsiorfiuersulluuniit) ilisarinngiffigiumarsaasup, najukkat pillugit inatsisisap ilassaatut qanoq aaqqinnejassanersoq Najukkat pillugit inatsit (adresseloven) imaqarpoq. Sumiiffinnut nalunaarsuiffik ullumikkut inatsisini maleruagassiorneqanngilaq.

Tamatuma saniatigut illoqannginnersat-, aqquserngit- aqqusineeqqallu aqqinik aamma najukkanik aalajangersaanissamut kiisalu taakkunanngal nalunaarsuinissamut atugassanik paasissutissanik nunaminertamik illutaqarsinnaasumik piginnittumut imaluunniit nunaminertamik atuisinnaatitaanermik pigisaqartumut kommunit noqqaassuteqarsinnaanissaannut siunnersuut mutaanik periarfissiivoq.

2.2 Siunnersuut

Kalaallit Nunaanni najukkat nalunaarsuutaannik imaqartussap, aamma systeminut allanut najukkat nalunaarsuutaannik najukanut paasissutissanik Kalaallit Nunaanni atuisunik tunioraasussap Najukkat pillugit inatsisisap aqussavaa. Kalaallit Nunaanni aaqqissuussat systemit aammalu atuisut pingartillugit qallunaat oqartussaasuinut atatillugu killiliinermik tassalu Kalaallit Nunaanni najukanut nalunaarsuiffimmik atuinissamik peqqusissuteqassannginneranik siunnersuut imaqarportaaq.

Najukanut siunissami aaqqissugaasumik assigiissakkamillu (standardiserikkamik) aalajangersaanermik kiisalu nalunaarsuinermik siunnersuut tunngavissiisaaq. Najukanullu tigussaasunut naleqqiullugu, uani allagartalersuineq ilanngullugu, illulanut (bygninger)

ikkussassanik kiisalu najukkat pillugit paasissutissanut najukkanut nalunaarsuiffimmut nalunaarutigisassanut atatillugu atuutsitsisoqassaaq. Pingaaruteqarpoq qularnaassallugu, najukkat pillugit paasissutissaasut, timitaqaartumik pilersaarusrusiornermi aalajangersagaasut aamma soorlu illut normuini allagartaat paasissutissallu taakkunani najukkanut nalunaarsuiffimmut digitalimik immiunneqarsimasunut ataqtigiissuutinnissaat. Taamaattumik kommunit ataasiakkaat Kalaallit Nunaanni Najukkanut Nalunaarsuiffimmi (Grønlands Adresseregisterimi) najukkanik ikkussuissapput, allannguillutik piaasassallutillu soorluttaaq inuup normuanut inatsimmi eqqaaneqartutut, najoqqutassat malillugit pisarnertut CPR-ip aqqusinernut nalunaarsuutaani paasissutissanik nutarsaasassallutik. Taamaalillunilu Kommunit tassaassapput adressinik nutaanik ulluinnarni nalunaarsuillutik sulisussat kiisalu qularnaassavaat najukkanik nutaanik nalunaarsuutit qarasaasiakkut digitaliusumik Kalaallit Nunaanni Najukkanut Nalunaarsuiffimmut nutarsartarnissaat.

Pisariaqarlunnarpooq, adressinut nalunaarsuiffimmi adressinik digitaliusumik nalunaarsuineq piviusunngortinnejarsinnaassappat kommunit adressinik nutaanik ikkussissagaangata ilusilersorluagaasumik ataqtigiissakkamillu aaqqissuussamik (systemilimmik) suleriaaseqarnissaq. Adressit Kalaallit Nunaanni tamarmi ajornanngippat assigissaartumik aalajangersaavigneqarnissaat. Pisariaqarpoq, minnerpaaffinnik piumasaqaateqarnissaq equnneqartariaqarpoq, kommunit pinngitsooratik malittariaqagaannik, tamanna anguneqanngippat adressinut inatsit nuna tamakkerlugu atuuttussaq pilersikkuminaatsorujussuussaaq. Taakku aalajangersakkat tekniskiunerusut sukumiinerusumillu aalajangersakkat kingusinnerusukkut nalunaarummi aalajangersaavigneqarumaarput.

3. Aningaasaqarnikkut aamma allaffissornikkut pisortanut kingunerisassai

Qarasaasiamut nuussuinermut digitaliseringimut periusissiami massakkut atuuttumi sammisanut (tema-nut) arlalinnut siunnersuut manna iluaquataassaaq.

Sammisaq 5 ilaatigut Tunngaviusumik paasissutissanut tunngassuteqarpoq, matumanilu ataatsimoortumik nunalu tamakkerlugu atuuttumik najukkanut nalunaarsuiffiup suleriaatsit eqaannerulersissavai, najukkanut paasissutissat pitsaassusiisa qaffannissaat qularnaassavaa taamaalillunilu qularnaassallugu ingerlatsiviit kattuffiillu assigiiingitsut akornanni najukkanut paasissutissatigut pitsaanerusumik avitseqatigiissinnaanissaq. Sammisq 1-ip salliutippaa innuttaasoq digitaliusoq. Najukkanullu nalunaarsuivimmik digitaliusumik atortuulersitsinerup kingunerissavaa pisariinnermik aamma pisortat allaffissorneq ingerlataat assigissaarnerusoq suleriaatsinik sunniuteqarnerusumik kinguneqartussaq, najukkanut paasissutissat (addressedata) atoqqissinnaanerinut pitsaanerusumik periarfissiisussaq.

Taamaalilluni pisortat allaffissorneranni sipaaruteqarnermik Siunnersuut nassataqassaaq, suleriaatsit naammassuminarsaavigneqassammata qarasaasiatiguulerlutillu (digitaliullutillu). Ullumikkut ass. toortaanerliortoqartarpoq, assaannarsorlunimi suleriaaseq taamaakkajummat.

Tamakkua saniatigut suleriaatsit amerlasuut ullumikkut uteqattaartuusarput, najukkanullu nalunaarsuut nutaaq (adresseregister) siunissami suleriaatsit pitsanngortinneqarsinnaanissaannut qularnaarisuusinnaavoq. Ullutsinni ass. paasissutissat, systeminut assigiiingitsunut immiunneqartarput, imaluunniit pappiaranik aniatitsisoqartarpoq. Najukkanut nalunaarsuutip suleriaatsit taamaattut arriitsut pitsanngorsarsinnaavai pisortat allaffiini sullissisunut iluaqutaasussanngorlugu.

Tamatuma saniatigut najukkanut nalunaarsuutit tutsuiginarnerusut innuttaasut tungaannut sullissinernut samminerusuni pisortat sullissinerat pitsanngortinneqarsinnaavoq, tassanimi pisortani sulisut, innuttaasunik sullissisut, innuttaasunik sullissinermanni oqinnerusumik sullisisinnaanngussammata, taamaalsoqassaarlu paasissutissanut tunngaviit ullumikkut atuuttunut naleqqiullugit pitsaanerussammata.

4. Inuussutissarsiornermi aningaasaqarnikkut allaffissornikkullu kingunissai

Inuussutissarsiornermik ingerlataqartunut aningaasaqarnikkut ajortumik sunniisussanik, siunnersuut nassataqassanngilaq. Paarlattuanik naatsorsuutigisinnavaarput, pitsaanerusunik tutsuiginarnerusunillu najukkat pillugit paasissutissaateqarneq ingerlatseqatigiffinnut ajunngitsunik najukkat pillugit paasissutissanik atorfissaqartitsisunut ajunngitsumik sunniuteqarumaartoq. Najukkat pillugit paasissutissat ass. imatut sunniuteqassapput, allakkeriviit allakkanik poortukkanillu tunniussisarnerat pisariinnerulersoq, taamaattumillu poortukkat allakkallu inuttassaannut anngussinnaanngimmata, allakkat utertartut, nassiussisumut utertinneqartussat ikinnerulernissaat ilimagisariaqarpoq. Taamaattoqarneratigullu ilimagineqartariaqarpoq ingerlatsivii sullitaminnut annertuumik nassiussuisartut aningaasartuutaat ikilissasut.

Siunnersuutitaaq kingunerissavaa, siunissami kalaallit nunaanni ataasiinnarmik najukkanut nalunaarsuveqalissasoq. Taamaalillutillu suliffeqarfii, ullumikkut najukkanut nalunaarsuiffimmink nakkutilliumiarlutik, nalunaarsuillutik nutarterisarlutillu aningaasarpassuarnik atuisartut siunissami nukitik suliassanut allanut atulersinnaavaat, pissutaalluni najukkat pillugit paasissutissat (adressedata) nutartikkat najukkanullu nalunaarsuutit tutsuiginartut aallerfissamut ataasiinnarmut Kalaallit Nunaata Najukkanut Nalunaarsuisarfianut aasinnaagamikkit.

5. Avatangiisut, pinngortitamut inuillu peqqissusiinut sunniutit

Avatangiisut imaluunniit pinngortitamut pitsaasumik kinguneqarumaartoq siunnersuut nalilerneqarpoq.

6. Innuttaasunut sunniutissat

Digitalimik najukkanut nalunaarsuiffimmik peqalernerup kingunerissavaa innuttaasumut iluaqutaasumik qarasaasiamik (digitalimik) imminut kiffartuussinnaanermik periarfissat pitsaanerulerneri.

Najukkat pillugit paasissutissat pitsaanerulerterisigut, tassunga ilanngullugu pissusissaatut allagartaliineq najukkanullu innersuussinerit, tamakku tunngaviatigut najukkat sumiinnerinik najugarpiaallu sumiinnerannut oqinnerusumik atugaqartitsisoqalersinnaavoq. Assinganillu najukkat pillugit paasissutissat qularnaarsinnaasariaqarpaat, allakkat, allakkat poortukkallu tamakkiinerusumik tigusisussaannut apuuttalernissaat, tamannalu innuttaasunut iluaqutaassaaq.

Tamakkua saniatigut assigiissaarineq (standardiseriineq) iluseqatigiaakkanillu (strukturerede) najukkat aaqqissuunnerat, ullumikkumut naleqqiullugu pitsaassutsikkut qaffasinnerusoq imminut kiffartuussinnaanernik periarfissanik allanik nutaanik kiisalu sumiiffit nunap ilaani sumiinnerisa paasissutissartaanni geodatanik atuinerni ineriarternermik pitsaanerusumik periarfis saqartitsisaaq.

Najukkanut tunngatillugu digitalinngortitsineq alliartuinnartoq paasissutissallu pitsanggoraluttuinnarneranni, ass. inunnik nalunaarsuineq nuunnerillu nalunaarutigisarneranni, tamakkua saniatigut sullissinerit sivisussusii milliartuinnassapput, tamannalu innuttaasumut iluaqutaassaaq.

Siunnersuummi illummik piginnittoq aamma nunaminertamut atuisinnaatitaanermik pigisaqartoq paasissutissiussaatitaanermik uppernarsaasussaatitaanermillu pisussaaffilerneqarpoq. Illummik piginnittoq imaluunniit nunaminertamut atuisinnatitaanermik pigisaqartoq piffissamut killiliussap aalajangerneqartup iluani paasissutissat imaluunniit paasissutissanut uppernarsaatit pillugit najukkanut oqartussamit qinnuigininneq malinngippagu, paasissutissat pineqartut imaluunniit uppernarsaat pineqartoq innuttaasup pineqartup akiligassaanik najukkanut oqartussap pissarsiariniarsinnaassavai.

Siunnersuummi aammattaaq najukkanut oqartussaasoq illutip iluani silataanilu takusaasinnaatinneqarpoq. Taamaattoq illuutinut pisortaanit iserfigineqarsinnaanngitsunut tunngatillugu, tamanna aatsaat sioqqutsumik eqqartuussivimmit aalajangiineq malillugu pisinnaavoq. Kiisalu illummik piginnittoq illup normuanut allagartamik il.il. ikkussinissamut kiisalu tassunga qaammaqquisiinissamut il.il. pisussaaffilerneqarsinnaasoq kiisalu najukkanut oqartussaq allartanik il.il. piumasarineqartunik tunniussinermut akilummik akiliisitsisinnaasoq, siunnersuummi inatsimmi tunngavissaliisoqarpoq.

7. Sunniutissat pingaarutillit allat

Siunnersuut annertuunik allanik sunniuteqassanngilaq.

8. Oqartussaasunut kattuffinnullu il.il. tusarniaanerit

Tusarniaavigineqartuni tulliuttuni piffissami 12.06.2018-imiit 06.07.2018-ip tungaanut Siunnersuut tamanut tusarniaassutigineqarpoq:

Siulittaasup Naalakkersuisoqarfia

Pinngortitamut Avatangiis inullu Naalakkersuisoqarfik
Aningaasaqarnermut Naalakkersuisoqarfik
Aalisarnermut, Piniarnermut Nunalerinermullu Naalakkersuisoqarfik
Inuussutissarsiornermut Nukissiuuteqarnermullu Naalakkersuisoqarfik
Isumaginninnermut Inatsisinillu atuutsitsinermut Naalakkersuisoqarfik
Peqqissutsimut Ilisimatusarnermullu Naalakkersuisoqarfik
Ilinniartitaanermut, Kultureqarnermut, Ilageeqarne mullu Naalakkersuisoqarfik
Nunanut Allanut Immikkoortortaqarfik
Aningaasaqarnermut Sulisoqarnermullu Aqutsisoqarfik (ASA)
Akileraarutinut Aqutsisoqarfik
Digitalimik Sullissinermut Aqutsisoqarfik (Digitaliseringsstyrelsen)
Kalaallit Nunaanni Naatsorsueqqissaartarfik
Kommuneqarfik Sermersooq
Kommune Kujalleq
Qeqqata Kommunia
Avannaata Kommunia
Kommune Qeqertalik
KANNUPE
Kalaallit Nunaanni Politimesteri
Asiaaq
Nukissiorfiit
TELE-POST
GrønlandsBanken
BankNordik
Grønlands Ejendomskontor
Netbolig
Ejendomskontoret Igdlo
Lynges.gl
LM Ejendomme
Sisimiut Ejendomskontor
INI
Iserit
Agerskov Consulting
Geodatastyrelsen
Styrelsen for Dataforsyning og Effektivisering
Økonomi- og Indenrigsministeriet
Transport-, Bolig og Bygningsministeriet

Tusarniaanermut piffissarititap naanerani tusarniaanermut peqataasunit tulliuttuniit akissutit tiguneqarsimapput:

Akileraartarnermut Aqutsisoqarfik

Aningaasaqarnermut Naalakkersuisoqarfik
Inuussutissarsiutinut Nukissiuutinullu Naalakkersuisoqarfik
Ilinniartitaanermut, Kultureqarnermut, Ilageeqarne mullu Naalakkersuisoqarfik
Asiaq
Kalaallit Nunaanni Politimesteri
Økonomi- og Indenrigsministeriet
Erhvervsstyrelsen
Styrelsen for Dataforsyning og Effektivisering
BankNordik
INI
TELE-POST
Kommune Qeqertalik
Kommune Kujalleq
Qeqqata Kommunia

Tusarniaanerit allannguutissanut tulliuttunut pissutissaqalersitsippu. Tusarniaanermit akissutaasut *orlingasumik* naqinneqarput.

Aningaasaqarnermut Naalakkersuisoqarfimmuit tulliuttunik oqaaseqaateqartoqarpoq:
“Tunisassiornermi- naammassiuminarsaanermilu iluatsitsinerit piviusunngortinnissaannut pisortallu sullissinerata pitsaassusianik ukiumoortunut aningaasanut inatsisinut kommunillu missingersuutaannut pingaarnersiuinerup katinnerata avataatigut pitsanngortitsinermik nassataqaannannginnissaanut Inatsisartut kommunalbestyrelsillu ukiuni aggersuni allannguinernut pisariaqartunut aningaasaliinissanik pingaarnersiuisinnaanissaannut periarfissanut pingaaruteqarluinnarpoq. Taamaattumik Nassuaatini q. 5-imi oqaaseqatigiit, “Taamaalilluni pisortat allaffisorneranni sipaaruteqarnermik Siunnersuut nassataqassaaq, taamaalillunilu pisortani ingerlatsivinni isumalluutinik amerlanerusunik iperaasoqarsinnaalluni suliassanut allanut atorneqarsinnaasunik, suleriaatsit naammassiuminarsaavagineqassammata qarasaasiatiguulerlutilu (digitaliullutilu)” innersuussutigineqarpoq periarfissatut allatut oqaaseqaasiorneqassasoq ima: ”Taamaalilluni pisortat allaffisorneranni sipaaruteqarnermik siunnersuut nassataqassaaq, suleriaatsit naammassiuminarsaavagineqassammata qarasaasiatiguulerlutilu (digitaliullutilu)”

Siunnersuut akuerineqarpoq.

Tamatuma saniatigut § 8 imm. 4-mi oqaatsimik ”najugaqatigiiffik”-mik atuineq tusarniaassutigineqartoq eqqumiigaa. Periarfissaannginnerluni allassimaannarnissaa ”illuliaq/illuliap ilaa”?

Siunnersuut akuerineqarpoq.

Kiisalu:

“Oqaaseqatigiiliornerit pitsaanerunissaat pisariaqartutut isigineqarpoq, kina sumik suliassaqarnersoq –kiallu akilissaneraa ersarinniassammat. Tamakkua oqaaseqaatit eqqarsaatigiitigalugit § 13, imm. 2 immaqa ima oqaaseqatigiiliarineqarsinnaavoq. “Naalakkersuisut kommuneqatigiinnik imaluunniit suliffeqarfimmik nammingersortumik Kalaallit Nunaanni Najukanut Nalunaarsuivimmik pilersitsinissamut ingerlatsinissamullu piginnaatitaaffiliisinnaapput.”

§ 13 imm. 2-mut siunnersuineq akuerineqarpoq.

Tamatuma saniatigut oqaatigineqarsinnaavoq, piffissap ingerlanerani najukkanut suliassaqarfip atortorissaarutitiguunerusoq aamma annikitsualutsigut maleruagassaasa isumasiuusernissaanik nalunaarutip suliarineranut atatillugu sinaakkutit piviusunngortittarnissaannut kommunit tusaaneqarumaarmata. Tamatumunnga atatillugu ingerlatsinermut aningaasaqarniarnermi pissutsit ilanngunneqarumaarlutik.

Ilinniartitaanermut, Kulturimut ilageeqarnermullu Naalakkersuisoqarfip tulliuttut oqaaseqaatigai:

“§ 2-mi siunnersuutaavoq, aqquserngit- imaluunniit aqqusineeqqat aqqi, ilaattilugit aqquserngup aqqanut allattaaseq, paatsuugassaanngissusiat, nunap assingani isorartussusiat, aqquserngit ilisarnaataat, agguassineq, allannguineq aamma allagartalersuinerit pillugit Naalakkersuisut maleruagassanik aalajangersaassasut. Naalakkersuisoqarfimmi isumaqartoqarpoq, ”aqquserngit- imaluunniit aqqusineeqqat aqqi, ilaattilugit aqquserngup aqqanut allattaaseq, pillugit Naalakkersuisut maleruagassanik aalajangersaassasut”, pillugu Siunnersuut, oqaasiliortunut inatsimmi § 4-mut akerliusq.”

Oqaaseqaat akuerineqarpoq taamaattumillu ”allattaaseq” § 2-miit peerneqarluni.

“Siunnersuummi § 2-mut oqaaseqaatit

Aammattaaq Nunat Aqqinik Aalajangiisartut pillugit inatsimmi § 2 imm. 1 nr. 1-i malillugu, minillugit aqquserngit- illoqannginnersallu aqqi, Kalaallit Nunaannik nunat aqqinik katersuineq, nalunaarsuineq aammalu pisortatigoortunguineq Nunat Aqqinik Aalajangiisartunit suliarineqartassaaq. Naalakkersuisoqarfimmi isumaqartoqanngilaq Siunnersuummi § 2 aamma Nunat Aqqinik Aalajangiisartut pillugit inatsimmi § 2, imm. 1 nr. 1-i namminneq piginnaassusileeqatigüttut, kisianni aqquserngit- illoqannginnersallu ilaatinneqannginnerat kommunit namminneq aqtsinerannut naapertuunnerpaajuneranut tunngaviusoq, Nunat Aqqinik Aalajangiisartut pillugit inatsimmi § 2-mut Nassuaatini ilaatigut ersetkoq. Taamaattumik, kommunit namminneq aqtsinerannik annikillisaaniarneq pillugu siunnersuutitut, Siunnersuummi § 2 paasivarput. Tamanna tunngavigalugu Siunnersuummi Nassuaatini tamanna sukumiinerusumi itisilerneqassasoq tunngavilersorneqarlunilu innersuussutigaarput.”

§ 2-mi nassuaatigineqartut siunertarinngilaat, kommunit nammineq aqtsinerisa annikillisarnissat, taamaattumillu taamatut paasineqarsinnaappat, tamanna pillugu nalornineq sunaluunniit peerniarlugu, § 2-mut Nassuaatinut immikkoortumik nutaamik ikkussisoqarpoq,

taamaalillunilu oqaaseqaatip akuerineratut isigineqarluni. Taamatuttaaq, aamma ullumikkutut inneratut tamakku aalajangersarneqartarneri kommuninit suliassaasut erseqqissarniarlugu siunnersuummi Nassuiaatinilu – illoqannginnersat/illoqannginnersat aqqi – ilassutigisimallutigit.

Kiisalu:

“Siunnersuummi § 6-imut oqaaseqaatit

Sumiiffinnut nalunaarsuivimmik nalunaarsorneqartut inoqarfinni sumiiffinnut taaguutit, ilaatiillugit illoqarfinni, nunaqarfinniluunniit aammalu savaateqarfinni, aatsitassarsiorfinni imaluunniit nalunaarasuartaaserivinni Naalakkersuisut aalajangersartassagaat Siunnersuummi § 6-imi erserpoq. Tamanna tunuliaqtigalugu aalajangersagaq imatut allanngortinneqassasoq Nunat Aqqinik aalajangiisartut piginnaatitaaffiinik attuisoqassanngitsoq Naalakkersuisoqarfimmuit piumasarineqarpoq.”

Oqaaseqaat akuerineqarpoq, oqaaserlu ’Sumiiffinnik taaguutit’ ’Sumiiffinnik nalunaarsuivimmik’ taarserneqarluni. Taamaalilluni sumiiffinnik taaguutit ataasiakkaat Nunat Aqqinik Aalajangiisartut aalajangersartarsinnaavaat.

TELE-POST-imiit tulliuttut oqaaseqaatigineqarput:

“Taamaattoq Siunnersuummi § 5 imm. 5-i TELE-POST-imiit isumaqatigineqanngilaq, tamatumani aalajangersakkami aamma pingaartumik tamatumunnga nassuiaatinini aalajangiunneqarmat, Naalakkersuisut postnormunik aaqqissuussap sanarfinera pillugu sukumiinerusumik aalajangersaasinnaasut. Taamaattumik TELE-POST-imiit piumasarineqarpoq § 5-imi imm. 5-i siunnersuummiit peerneqassasoq. piumasaqaat malinnejanngippat, kisianni taarsiullugu annikitsumik qanillattuiniaannarluni assersuutigalugu siunnersuummut nassuiaatinini TELE-POST-i allannguinerit eqqarsaatigineqartut sioqqullugit tusarniaqqaarneqartarnissaanik allanneqassappat TELE-POST-imiit naammagisimaarneqarnianngilaq.”

Oqaaseqaat ilaatigut akuerineqarpoq. § 5, imm. 5-imi peerneqassanngilaq, kisianni nassuiaatinut ilanngunneqassaaq TELE-POST-i tusarniarneqartassasoq, Naalakkersuisut postnormut piussaannik allannguinialersaarpata, taamaalilluni TELE-POST-imiit oqaaseqaat akuerineqarluni.

Kiisalu:

“TELE-POST-imiit piumasarineqarpoq § 11, imm. 2 allanngortinneqassasoq taamaalilluni illut normuinik ersitsunik ikkussuisoqartarnissa piumasaqaataassalluni, taamaaliornikkut allakkanik eqqortumik agguaassineq qulakkeerneqassalluni.”

Oqaaseqaat akuerineqarpoq.

Asiaq tulliuttunik oqaaseqaateqarsimavoq:

“Tamatumunnga uiggiutitut, Sumiiffik najukkamik sumiiffiliinerpiami qaugu, qanorlu atorneqassaneranik erseqqissaaneq (§ 7).”

Qanoq sumiiffik najukkami namminermi ilaasinnaaneranik eqqartuiffiusumi § 7-imut nassuaatini immikkoortumik nutaamik ikkussinikkut oqaaseqaat akuerineqarpoq.

Kalaallit Nunaanni Politiit tulliuttunik oqaaseqaateqarsimapput:

“Kapitali 9-mi qulequtaq “iliuusissat” politiit isumaat malillugu allanngortittariaqarpoq uunga “iminut ikiornissamut iliuutsit”. Tamanna taamaaliumaneqarpoq taamaallaat kommunikkut imminut ikiornissamut iliuuseqartoqarnissaanut tunngavissaqarmat iliuusissanullu pineqaatissiinermuunngitsoq. Aamattaaq allaffissornikkut aningaasartuutit aamma/imaluunniit teknikkikkut tapersiinermut upernarsaatitalinnik aningaasartuutinik akileeeqqusinernuuusinnaasunut atatillugu politiit akiliisitsiniaasutut suliassaasa saniatigut, politiit tamatumani atuuffeqanngimmata, allannguummik erseqqissaatigineqarpoq.”

Oqaaseqaat akuerineqarpoq.

Kommuni Qeqertalik tulliuttunik oqaaseqaateqarsimavoq:

“§ 7-imi allassimavoq “Najugaq taaguutaavoq katitigaq, aalajangersimasumik appakaaffiusumik aqqusinermik sanaartorfiunngitsumut nunaminertamut, illuliap ilaanut assigisaanulluunniit tikkuussisoq taaguusiisorlu.” Isumaqarpugut allataq uunga allanngortittariaqartoq “Najugaq taaguutaavoq katitigaq, aalajangersimasumik appakaaffiusumik aqqusinermik imaluunniit appakaaffiusumik aqqusineeqqamik sanaartorfiunngitsumut nunaminertamut, illuliap ilaanut assigisaanulluunniit tikkuussisoq taaguusiisorlu.”

Oqaaseqaat akuerineqarpoq.

Kommuni Kujalleq tulliuttunik oqaaseqaateqarsimavoq:

“Inatsisisatut siunnersuummi suliassanik amerlanerusunik kommuninut tunniussisoqarmat, tamatuma malitsigisaanik annertunerusunik aningaasartuutinut DUT-mik (kommunit suliakkerneqartarnerisa matussusserneqartarneranik) najoqqutassiaq malillugu kommunit iluarsiissuteqarfigineqarnissaat naatsorsuutigineqarpoq.”

Naalakkersusoqarfimmiit isumaqarfigineqanngilaq, najukkanut suliassaqarfimmut tunngatillugu ullumikkumut kommunit pisussaaffigeriigaannut sanilliullugu siunnersuut kommuninut suliakkersuinerusoq. Kingusinnerusukkut atuutinnejalertussanut, Inatsisartut inatsisaanni aalajangersarneqartunut, sinaakkutinut atatillugu suliassaqarfimmi atortorissaarutitiguunerusoq annikitsualuttigullu maleruagassat suliarineqarnissaanni

najukkanut suliassaqarfimmi oqartussaasutut kommunit ilaatinneqarumaarput. Taamaattumik maannamuugallartoq kommunip kissaataa akuerisinnaavarput.

Akileraartarnermut Aqtsisoqarfik tulliuttunik oqaaseqaateqarsimavoq:

“Innersuussutigineqarpoq najukkani pineqartuni, ilaatilligit ass. illuliat assigiinnngitsut suussusaat, illuliat suussusaat pillugit paasissutissat ikkussuunnissaat sulissutigineqassasoq:”

Illuliat suussusaat piumaneqaqisut ilumut attuumassuteqarput, kisianni tamakkua Kalaallit Nunaanni Illuliat Inissiallu Nalunaarsuiviata BBR-register-ip (GBBR) pilersikkiartuaarneqarnera pillugu Tunngaviusumik paasissutissanik pilersaarutip aqqutaanut tunnganerullutik, taamaattumillu oqaaseqaat siunnersuummi matumani ikkunneqassanani.

“Aqqusinernik/sumiiffinnik minnerpaamik marlunnik taaguutilinnik Kalaallit Nunaanni arlalitsigut peqarpoq. Tamatuma saniatigut sumiiffinnittaaq amerlasuuni aqquserngit aqqinik allattaasitoqqamik allannilinnik suli ersitsoqarluni. Tamatumunnga atatillugu tamakkuningga ajornartorsiutinik eqqumaffiginninissaq naleqqutuusinnaavoq aammalu/imaluunniit tamatumunnga malittarisassanik pilersitsisoqarluni.”

Naalakkersuisoqarfimmiit unamminiagassamik ilusilersugaq isumaqtigilluinnarneqarpoq, siunissamilu allattaatsimut ilitsersummik pisariaqartitsineq takuneqarsinnaalluni. Taamaattoq tamanna ilitsersuut matumunnga inatsisiliornermut ilaasutut isigineqanngilaq, peqatigiinniillu attuumassuteqartunit kingusinnerusukkut suliarineqartariaqarluni.

Nunap Iluani Pissutsinut Naalakkersuisoqarfik tulliuttunik oqaaseqaateqarsimavoq:

“Tamatuma saniatigut, CPR-ip (inuit allattorsimaffiata) aqqusinernut nalunaarsuiviata nutarternissaanik maleruagassiiniartoqarneranik, taamaalillunilu CPR-imik najukkanut nalunaarsuinermik ministereqarfiup CPR-imik ingerlatsinermi, siunnersuutaasoq Kalaallit Nunaanni Najukkanut Nalunaarsuiviup toqqaannartumik aallertarfittut atortarnissaanik pisussaaffiligaasutut nipaa, isumaqalernermik tunuliaqutaasumut inatsisisatut siunnersuummi § 14 imm. 2-mut, aamma § 15-imut Nassuaatinut immikkut ittunut, Naalakkersuisoqarfimmiit innersuussisoqarpoq.”

Siunnersuummi CPR-ip aqqusinernut nalunaarsuvia maleruagassiussallugu siunertarineqanngilaq, taamaattumillu immikkoortualunni, makkunani (hhv.) § 14-imut aamma § 15-imut Nassuaatinini ikkussisoqarluni, taamaalilluni CPR-imut nalunaarsuivik ullumikkumut Danmarkimi Nurami Namminermi pissutsinut Ministereqarfimmit akisussaaffigineqarnera pillugit nalornisariaarulluni. Taamaalilluni Siunnersuummi matumani oqaaseqaatit akuerineqartutut isigineqarput.

“Kiisalu eqqaaneqassaaq, inunnut Kalaallit Nunaanni najugaqartunik najukkamut nalunaarsuinermut atugassanik paasissutissanik pisariaqartunik CPR-imik nalunaarsuineq,

paasissutissat tamakkiisumik isigalugit CPR-ip atorsinnaaneranut piumasaqaatinut naammassinnissasut manna tikillugu pisariaqartitsiviusimasoq.”

Siunnersuummi § 5, imm. 5-im iisalu immikkoortumut tamatumunnga Nassuaatini erseqqissaasiornikkut siunnersuineq akuerineqarpoq.

Danmarkimi Inuussutissarsiornikkut Aqutsisoqarfimmuit tulliuttumik oqaaseqaateqarpoq:
“Inuussutissarsiornikkut Aqutsisoqarfimmuit Aqutsisoqarfiuup CVR-ip ataaniittumik GAR-imik (sumiiffinnut nalunaarsuivimmik) atuineq aalajangiisutut isigineqarpoq, Qitiusumik Inunnut nalunaarsuivik (CPR), ilaatigut kalaallit najugaannik imaqartoq, taamatuttaaq GAR-imut tatiginassutsimigut naleqqiunneqartoq. Tamanna peqquteqarpoq Inuussutissarsiornikkut Aqutsisoqarfimmuit kalaallit inunnut najugaannik CPR-imut naleqqiunneqarmat, maannamut CPR-ip aqqusinernut nalunaarsuutaanik tunngaveqartoq. Inuussutissarsiornikkut Aqutsisoqarfimmuit siumungaaq suliffeqarfuit najugaannik GAR-imut naleqqiussisartussaagami, kalaallillu najugaannik CPR-imut naleqqiussisoqartuarallartussaalluni, pingaaruteqarpoq CPR-issaaq GAR-imi najukkanik atuisuunissaa, tassami najukkat pillugit paasissutissani assigiikkunnaarnernik pisoqalersinnaammat, suliffeqarfuit najugaat GAR-imi nalunaarsukkat, imaluunniit inuit najugaannik CPR-imik nalunaarsuinerup akornanni.”

Oqaaseqaat Nunami Namminermi pissutsinut Naalakkersuisoqarfimmuit oqaaseqaatinut qanippoq, aammaarlunilu CPR-ip nalunaarsuutaanik maleruagassiuiniarneq siunertaanngilaq. Najukkat pillugit GAR-imi nalunaarsuutit aammalu CPR-ip aqqusinernut nalunaarsuutaasa assigiilluinarnissaat siunertaa voq.

9. Siunnersuummi aalajangersakkanut ataasiakkaanut Nassuiaatit

§ 1-imut

Ullumikkut kommunalbestyrelsi, ilaatigut illuliornissamut akuersisartuullunilu illulianut normorulersuisartuuvoq, taamaaqataanillu illoqannginnersat- aqquserngillu aqqinik kommuneqarfip aqutaralugu kommunimi sanaartukkanut oqartussaaasuulluni akisussaasuuvvoq.

Taamaattumik, kommunit aqqusinniornerik ingerlataqareersut, kommunip pilersaarusiortarneranut atatillugu, illoqannginnersanik aqqusinernillu taaguusersuillutik, B-Nr.-nik tunniussisartuullutik il.il. ullumikkut periuserisaasa allanngortinnissaa siunnersuummi siunertaanngilaq.

Siunnersuummi § 1-imti takuneqarsinnaavoq kommunalbestyrelsi najukkanut oqartussaasusoq illoqannginnersat-, aqquserngit imaluunniit aqqusineeqqat aqqinik aalajangiisartuullutik. Uani pisortat aqquserngit pigineraat imaluunniit inuinnaat pigineraat assigiinngitsinneqanngillat, tassami siunnersuut malillugu illoqannginnersat-, aqquserngit-imaluunniit aqqusineeqqat aqqinik aalajangersaanissamut Najukkat pillugit oqartussaasut piginnaatitaaffiligaammata.

§ 2-mut

Illoqannginnersat-, aqquserngit- imaluunniit aqqusineeqqat aqqinut annikitsualutsigut malittarisassiueq Naalakkersuisunut tunniunneqassasoq, taamaalilluni Naalakkersuisut illoqannginnersat-, aqquserngit- imaluunniit aqqusineeqqat aqqinik aalajangersaaneq pillugu malerua gassanik aalajangersaanissamut piginnaatitaaffilerneqarnissaat siunnersuutaalluni.

Kalaallit nunaanni nunaqarfippassuit aqqusineqanngillat. Taamaattumik illoqarfii nunaqarfiillu pisuinnarnut aqqusineqarsinnaapput, nunaqarfinni illoqarfinnilu amerlasuuni pisuinnaat aqqutaat "aqquteqaataallutik". Naalakkersuisut pisuinnaat aqqutaat pillugit, ilaattilugit taamatut ittumik atorfissaqartitsisoqalissagaluarpat pisuinnaat aqqutaasa aqquserngillu qanoq ilillutik immikkoortinnejassanersut aalajangersagaliorsinnaasut siunnersuutaavoq.

Inatsisartut tassaasut suliassaqarfik pillugu inatsisiortutut oqartussaasut, kisianni tassuuna allanngortinneqanngilaq Najukkat pillugit oqartussaasut suli tassaammata sulinermi ulluinnarnilu oqartussaasut, taakku suliassaralugu ass. nutaanik aqqusinniornerit aalajangersakkami erseqqissarneqarpoq.

§ 3-mut

Imm. 1-imut Assigiissaartumik periaaseqarlumi illunut pioreersunut nalunaarsuinissaq, taamaalilluni qularnaarneqarniassammat Kalaallit Nunaanni illut qassit pigineqarnersut paasisimaneqarnissaat, aamma ilanngullugu nalunaarsorneqarnissaat aalajangersakkap siunertaraa. Una siunertaavoq, assigiissaartumik periaaseqarlumi illunik pioreersunik nalunaarsuinerup tunngavilersinnaagaa Kalaallit Nunaanni siunissami inissianut- illuutinullu nalunaarsuiffeqalernissaq (BBR). Tamakkua saniatigut Kalaallit Nunaanni sumiiffipassuarni illuliat normuat najukkap normuata ilaatut pingaartutut atorneqarpoq.

Kalaallit Nunaanni najukanut ataqtigii sumi periaaseq ullutsinni najugalersuutinik marlunnik aallaaveqarpoq. Systemi ataaseq nunaqarfinni illoqarfinnilu atuuppoq, tassani illup normua atuunneq ajorpoq. Tassunga taarsiullugu ullumikkut illuliap normua (bygningsnummer) taakkunani najukkatut pingaarutilittut isigineqarlumi atorneqarpoq. Taamaattumik illuliap normua illup normuata akuersaakkatut naleqquuttut ittuni kiisalu adressit qanoq atuuttuusut atuuffiat atulissaava.

Nunaqarfinnut minnerusunut, illoqarfinnut kiisalu illorpassuaqarfinnut, illut normuinik atuilluarfiusunut suli tulluarsagaasoq, maannamut Kalaallit Nunaanni najukkat (sumiiffilorsorneri) pillugit ilusilersuineq allanngortissallugu aalajangersakkami siunertaanngilaq.

Imm. 2-mut

Siunnersuutip tamakkiisumik imaraa maleduagassatut pingaarnertut illuliat pioreersunut tamaasa, matuma kingorna malittarisassanut pingaarnernut minitassat nalunaarsorneqartarlutik, minitassanillu aalajangiisinnaanerit ass. tassaasinnaapput illuliat allatut taasariallit, quit, biilinut eqquissiviit il.il. illumut aalajangersimasumut pioreersumut paatsoorneqarsinnaanngitsumik attuumassuteqartut, taamaattumillu illup normuanik immikkut tunniunneqartussaanngitsut.

Imm. 3-mut

Imm. 3-mut siunnersuutigineqarpoq Naalakkersuisut illut normuinut malittarisassanik aalajangersaasinnaasut, taamaalilluni qularnaarlugu illut normui, najukkamut ilaanissaat, illoqarfimm nunaqarfimmiluunniit tassani illut normuinik iluarsartuulluakkamik periaaseqarlumi peqariinngippat.

Tamatuma saniatigut aalajangersakkap siunertarivaa qularnaassallugu, paatsoorneqarsinnaanngitsumik illumut attuumassutilittut normoqartoqarnissaa (enhedsnummer), tassuuna pisariaqarmat illuliami qularnaatsumik ataasiinnarmik peqannginera. Illoqarfinni imaluunniit nunaqarfinni illut normuinik atuiffiunngitsunut

atormissaavut, taamaalillunilu pisariaqartitsisoqalersinnaavoq illuliamut illup qitiusumut atasut

(illuaraasinnaapput) illup qitiulluni nalunaarutigineqarsimasup normuatut normoqalissasut, taamaaliortoqassaarlu paasineqarpat illumut atasunik allanik illulianik peqartoq taamaalillunilu normumik ataatsimik toqqaasoqartariaqalersimasoq.

§ 4-mut

Ullumikkut kalaallit nunaata sineriaani illoqarfinni ukunani illut normuinik atuisoqarpoq: Sisimiut, Maniitsoq, Kangerlussuaq, Nuuk, Nuussuaq, Paamiut, Qasigiannguit, Aasiaat aamma Ilulissat.

Siunnersuutip siunertarinngila, kalaallit nunaanni illoqarfinni nunaqarfinnilu tamani ullumi illumut normulersuinermi systematikkimik atuiffiunngitsuni illut normuinik pinngitsaaliisummik atuutilersitsisoqassasoq. Killormut siunnersuutaavoq, illuliap normua illup normuanut taarsiullugu atuutilersinneqarsinnaasoq imaattoqarsinnaagaangat illumut normulersuinermi systematikki atorneqanngitsoq (aamma taamaalilluni illup normuanik suli atuisoqanngitsoq) illoqarfimmi imaluunniit nunaqarfimmi tassani.

Inigisami tassani illup normuinik atuisoqareersimappat, taava taanna tunngavigisaq atorneqassaaq ingerlatiinnarneqarlunilu, taamaalilluni illoqarfik imaluunniit/nunaqarfik pineqartoq illut normuinik atuinini ingerlatiinnassaavaa.

Imm. 2-mut

Siunertaavoq Naalakkersuisut illut normuisa aaqqissuunnissaannut aamma aaqqissugaassusilernissaannut (systematikkilernissaannut), illuutit suussusiinik, enhedsbetegnellsiliisinnaanermik (ataasiakkaatut taaguummik), agguasssinnaanermik, allannguisinnaanernik aamma allagartaliisinnaanernut il.il. Naalakkersuisut maleruagassiorissamut piginnaanilernissaat, tamannalu pissasoq kingusinnerusukkut nalilerneqarpat pisariaqartoq assigüissaarnerusunik aamma najukkat paassisutissartaanni datastrukturimi Kalaallit Nunaanni Najukanut nalunaarsuiffimmut nalunaarutigisassanik peqarpat.

§ 5-imut

Postnormu kisitsisinik sisamanik (4) nalunaarneqarpoq, nunap ilaani sumiinnermik nalunaarneqartumik, taannalu atorneqarpoq allakkat tigusisussaanut nassiunneqarnissaanut. Assersuutigiiinnarlugu Nuup postnormua 3900-iusoq.

Naalakkersuisut tassaassasut pisortat postnormuisa systemiannik nakkutiginnittussaasut, tassuuna nunap sumiiffilfersornerisa, illoqannginnersat-, aqquserngit- imaluunniit

aqqusineeqqat aqqi kiisalu najukkat (adressit) eqqarsaatigalugit qularnaarneqassammat aalajangersakkami siunnersuutigineqarpoq.

Imm. 2-mut

Allami siunnersuummi tunngavissamik peqanngimmat, najukkat pillugit inatsimmi matumani postnormunik aalajangersaanissamut tunngavissamik ikkussisoqassasoq siunnersuutaa voq.

Imm. 2-mut Naalakkersuisut POST Greenland-i piginnaatissinnaagaat postnormumik systemeqarnerup nutartertarnissaa isumagisareqqullugu, taamatut, pisortat postnormusystemiata nakkutigineqarnera qulakkeerlugu imm. 2-mi siunnersuutigineqarpoq.

Imm. 3-mut

Taamatuttaaq Naalakkersuisut POST Greenland peqqusinnaagaat pisortat postnummersystemiat isumagisareqqullugu, taamatut, pisortat allakanut normulersuinermi systemiat nakkutigineqartoq qulakkeerneqarsinnaaqquillugu imm. 3-mi siunnersuutigineqarpoq.

Imm. 4-mut

Aalajangiinerup oqaatigaa, pisortat allakanut normulersuinermi systemiat aserfallatsaaliornissaat Naalakkersuisut akisussaaffiit pingaarnertut tigummissagaat. Taannalu atuuppoq, suliaq POST Greenlandimut tunniunneqarnikuugaluarluortluunniit.

Taamaattumik imm. 4-im i siunnersuutigineqarpoq, Naalakkersuisut Post Greenland-ip pisortani postnormunut periaatsimik allangutsaaliuineranut nakkutilliniissamut pisussaaffeartut.

Imm. 5-imut

POST Greenland-ip tusarniareerneratigut postnormunik aaqqissuussamik kingusinnerusukkut ilusilersuineq nutarterisarnerlu il.il. pillugit, postnormunullu ilusiliussap (postnummerformat-ip) iluani Naalakkersuisut aalajangersaasinnaasut imm. 5-im i siunnersuutaa voq. CPR-ip atorsinnaanerata piumasaqaataanik naammassinnittunik suliaqartoqarsinnaavoq, POST Greenlandimut tusarniaasoqareerpat. .

§ 6-imut

Sumiiffinnut nalunaarsuivik (Lokalitetsregister) ullumikkut Inatsisartut inatsisaatigut maleruagassiugaanngilaq. Taamaattumik, Sumiiffinnut nalunaarsuivik malittarisassaq manna tunngavigalugu siunissami Kalaallit Nunaanni najukkanut inatsisip (Grønlands adresselov)

ataani malittarisassiuunneqartalissasoq siunnersuutaalluni, Sumiiffinnut nalunaarsuiffimmi sumiiffinnik nalunaarsuinermut erseqqissumik aqtsinermut aaqqissuussaqarnissaata qulakkeernissaa pisariaqartinneqarmat. Naalakkersuisut inoqarfinnut matumani ilaattillgit illoqarfik imaluunniit numaqarfik kiisalu savaateqarfik, aatsitassaqarfik imaluunniit stationit Sumiiffinnut Nalunaarsuivimmut nalunaarutigineqartut killiffigisanut nalunaaquuttanik, suussusernut nalunaaquuttanik, sumiiffinnut nalunaaquuttanik sumiiffinnullu normunik aalajangersaasasut, siunnersuutigineqarpoq.

Sumiiffit ataatsimut isigalugu tassaapput illoqarfik imaluunniit numaqarfik, taaguutaallu pisortat akuerisaraat, nunagisaq nuna tamaat isigalugu inissisimaffia taannaasoq. Kommunit taakku tallimat nunanik sumiiffigisanik arlalinnik peqarput, taakku kommuni ataaniippuit. Sumiiffinnut nalunaarsuivik suussutsimik ilisarnaammik (statuskodeqarput) peqarput, taamaalilluni tassuuna Kalaallit Nunaanni inoqarfik inullit aamma inuerunnerit nakkutigineqarsinnaapput.

Taamaaqataanillu sumiiffimmut ataatsimut atuuttumik peqarput, oqaluttuarinnitumik tassani illoqarfik, numaqarfik, aatsitassaqarfik, stationi imaluunniit savaateqarfik pineqarnersoq nalunaarsuiffik typekodeqarput. Tamakkua saniatigut Sumiiffinnut nalunaarsuivik allanit pigineqanngitsumik sumiiffimmut atuuttumik kodeqarput, sumiiffigisat normuinik, kommunimut ataatsimut attuumassuteqarneq kiisalu sumiiffigisaq nunagineqarnersoq imaluunniit inuerutereersimanersumik takussutissiisumik.

Imm. 2-mut

Naalakkersuisut akisussaaffigissagaat najugaqarfinnut aamma Sumiiffinnut nalunaarsuivimmut malittarisassiornissaq, ilanngullugu lokalitetsnormuliornissat, lokalitetskode-t, statuskode-t, typekode-t, systematikkii, paasissutissanut aamma allannguutinut malinnaatitsinissaq imm. 2-mi siunnersuutigineqarpoq.

Najukkat atuuttut sumiiffigisanut piusunut atassusersinnaajaannarnissap qulakkeernissaa siunnersuummi siunertaavoq. Tassuunakkut qularnaarneqassaaq inunnik nalunaarsuiffit aatsitassaqarfinniittut, savaateqarfinniittut imaluunniit inoqarfik allat piffissap ingerlanerani matuneqarsinnaasut siunissamiluunniit matuneqarsinnaasut ataqtigiiuntuunissaat. Taassuma malitsigissavaattaaq, nunagisani atorunnaareersuni ingerlasumik inunnik nalunaarsuiffeqarsinnaannginnera, takuuk Sumiiffinnut nalunaarsuivik.

Taassuma mattutirningilaa, illut numaqarfinnilu matusaniittut illuaqqat aasarsiortarfittut illuaqqatallu atorneqarsinnaanissaat.

Sumiiffinni najukkatut adressit nutaat, kommunimut, sumiiffimmut normumik imaqaartumik, sumiiffimmut kodimut, sumiiffimmut typimut, killiffigimik takussutissamut kodimut

sumiiffimmut attuumassuserlugu Sumiiffinnut nalunaarsuivimmut ikkunneqartumut tamatigut sumiiffimmut nutaamut attuumassuserneqarsinnaajuaannassapput.

§ 7-imut

Najukkap taaguutaa katitigaasoq arlalinnik immikkoortunik ataqtigiinnik, imm. 2-mi nassuiarneqartunik, imaqarpoq.

Imm. 2

Aalajangersakkap naqissuserpaa najukkap immikkualuttortai pingarnerit tassaassasut illoqannginnersap-, aqquserngup- imaluunniit aqqusineeqqap aqqa, sumiiffik, illup normua, illuliap normua, ataasiakkaatut normiusinnaasoq aamma postnormu.

Taakku immikkualuttortat najukkap sannaarivai, ilaatigut poortukkanik nassiussinermi, allakkanillu innuttaasup najugaanut nassiussinermi, taamatuttaarlu inunnit najukkamut anngunniartunit il.il atorneqartartut.

Najukkat illoqannginnersap-, aqquserngup- imaluunniit aqqusineeqqap aqqanik illullu normuanik imaluunniit illuliap normuanik amerlanertigut imaqartarput. Illoqarfinni nunaqarfinnilu, ullummikkut illup normuinik atuiffiunngitsuni, illuliat normui (bygningsnummer) adressip ilaatut atorneqartarput, ass. najugaq imatut isikkoqarsinnaavoq: Taamaattumik siunnersutigineqarpoq, nunaqarfinnut aqquserni ateqanngitsunut aamma/imaluunniit immikkut postnormoqanngitsunut najugaq imatut katitigaassasoq:

Ateq

Illup normua / illuttip normua, aqqusernup imaluunniit inuinnaat aqqutaata aqqa / sumiiffik (Illoqarfik) postnormu

Assersuutigalugu najugaq imatut isikkoqarsinnaavoq:

Ateq

B-367, Attu,

3950 Aasiaat.

Pisumi tamatumani najugaq B-normumik (pineqartumi illoqarfimmi imaluunniit nunaqarfimmi illup normuanik atuisoqarpat B-normumit pingarnerutilugu ikkunneqassaaq), sumiiffimmik kiisalu postnormumik sananeqaateqalissaq.

Taamaattumik illoqannginnersap-, aqquserngup- imaluunniit aqqusineeqqap aqqanik peqanngippat sumiiffit najukkanut ilaatinneqarsinnaasut siunnersuutaavoq.

Qularnanngitsumik najukkap ilusaanik taamaattumik pisariaqartitsisoqarnissaa qaqtigoorluinnassaaq, tamannalu pingartumik nunaqarfinni atuussinnaalluni. Taamaalilluni inoqarfimmi pineqartumi aqquserngup aqqanik peqanngippat najukkamut iluseq taamaattoq taamaallaat nunaqarfinni atorsinnaassalluni. Aalajangiinermi tamanna siunertaanngilaq, sumiiffit adressiniittuarnissai.

Adresseni, najugaqatigiiifinnik arlalinnik imaluunniit arlalinnik inuutissarsiornermut najugaqatigiiifinnik peqartillugu, illumut attuumassuteqarermik nalunaarutaasumik ataasiakkaatut taaguut illup normuata imaluunniit illuliap normuata kingornagut ikkussisoqartarpoq. Arlalinnik ataasiakkaanik (enhedenik) atuuttoqanngippat ass., ilaqtariit ataatsit illugimmassuk, taava enhedsnormu atorneqassanngilaq.

Illuliap ataatsip, illuliap anlægip imaluunniit nunaminertap il.il. paatsuugassaanngitsumik, allanut paarlaannagu, (imaluunniit illuliani annerni inissiat amerlasuut akornanni ataatsip) nassaarisinnaanissaata periarfissaajuarnissaa, taamaalilluni sumi inissisimanerata ilisimaneqarnissaa siunnersuummi siunertaavvoq.

Najukkat pillugit oqartussaasut najukkanik nutaamik pilersitsereeraangata, taava taanna § 6 naapertorlugu sumiiffinnik nalunaarsuvimmi sumiiffimmut ataatsimut atassuserneqartassaaq.

§ 8-mut

Illulianut nunaminertanullu, illuliorfigineqarsimasunut imaluunniit illuliorfigineqarnissaannut pilersaaruteqarfigineqartunut, imaluunniit illuliorfigineqarnissaannut immikkoortinnejqarsimasunut tamanut Najukkat pillugit oqartussaasut najukkanik aalajangersaasassasut § 8-mi siunnersuutaaavoq.

Tassa amerlanerpaartaatigut illuliorfigineqartuni, innuttaasut najugaqarfiami, suliffigisartagaanni imaluunniit inuppassuit angallaffigisaanni, aqqutissartillu nanisinnaasariaqarlugu, najukkanik aalajangersaaneq pisartoq kalaallit najukkanut aaqqissuussaanni (systemianni) malittarisassaq pingarneq Siunnersuummi saqqummiunneqarpoq. Taamaattoq erseqqissaatigineqassaaq siunertaanngimmat biiilut eqqussiviit (garage-t), quit assigisaallu siunissami immikkut najukkersorneqartalissasut.

Adressit aalajangersarneqassasut, nunaminertarluunniit taamaallaat kingusinnerusukkut aatsaat illuliorfigineqartussatut immikkoortiinnarneqarsimagaluarpata § 8-p oqaasertaani atuarneqarsinnaavoq. Matumanilu siunertaavvoq sanaartornermik ingerlataqartunut, assartuussinernik ingerlataqartunut, illunik tuniniaasartunut, aningaasarivinnut, realkreditinstitutioninut sillimmasiisarfinnullu, taamatuttaarlu allat eqqarsaatigalugit, pisut ingerlaneranni siusissukkut sumiiffik (sanaartorfigisassatut) immikkoortinnejqarpat, nunagissarneqarpat sanaartornerlu aallartinnejqarpat. Tassunga atatillugu siunnersuutigineqarpoq, najukkanut oqartussaasoq taanna najukkanut oqaassisqaqartoq

nunaqarfimmi inissisimasoq, matumani B-Nr. adressimut pingaartuulluni inissisimasoq, suliap ingerlanerani ajornanngippat adressiliiniarnerup aalajangerniarneqarnerani piaartumik illiassatut pilersaarutigineqartup B-Nr.-ssaanik pissarsiniassasut, taamaaliornikkut taanna adressiliiniarnermi atorsinnaaqquillugu.

§ 8-mi siunnersuutigineqartup mattutinngila Naalakkersuisut malittarisassiorsinnaanerat, nunaminertanut illiortiterfigineqanngitsunut adressinik aalajangersaasoqassasinnaanermut tunngatillugu, taakkulu atuuttuuartuussapput. Typit (taamaattumik isikkullit) immikkuualttopassuarnik imallit malittarisassallu tekniskimut tunngassuteqarnerusut, illulianut imaluunniit sanaartukkanut il.il. assigiinngitsunut atatillugu adressit qanoq aalajangersaavagineqassanersut, imaluunniit nunaminertat sanaartorfigineqanngitsut eqqarsaatigalugit soorlu ass. pinnguartarfii, tassanilu Naalakkersuisut siunnersuutigineqartumut § 8 imm. 4-mut innersuussinikkut aalajangersaasinjaapput.

Imm. 2-mut

Najugaqarfeqatigiinnut imaluunniit inuussutissarsiortut najugaqarfeqatigiinnut tamanut immikkut najukkanik Najukkat pillugit Oqartussaasut aalajangersaasassasut imm. 2-mi siunnersuutigineqarpooq.

Taassuma qularnaarpaa naleqquttuusoq najoqqutassiaq, najugaqatigiffit (boenhed) paatsuugassaanngitsumik ilisarineqarsinnaassasut adressti ataatsikkut. Tamanna isumaqportaaq, inigisani ataasiakkaani (boehedinut) Kalaallit Nunaanniittuni immikkullarissumik malittarisassiorqassasoq. Siunnersuutip siunertaraa taamatut isikkulimmik periaaseqarneq pigiinnarneqassasoq erseqqissarneqassasorlu, taamaalilluni boehedinut ataasiakkaanut immikkut ittumik adressimik pilersitsisoqassaaq, taanna boenhedip nammineq kalaallit BBR-nalunaarsuiffiannut nalunaarutiginninnermi atorneqarsinnaa voq.

Peqataanik pisortat oqartussaasut namminersortullu, boenhedimik imaluunniit illoqutigiinnik aalajangersimasumik toqqaanissamik pisariaqartitsisut, adressti qularnaatsumik ilisarnaatitut atorsinnaavaat.

Kisianni aamma imm. 2-mi siunnersuutaasup siunertaraattaq erseqqissassallugu adressilersuinermut oqartussaassuseqartut, adressilersuinerup paasiuminartuunissa pissutigalugu, inigisanut ataatsinut ataasiinnarmik peqartoqassasoq aalajangersaasinjaanerat.

Inigisani amerlasuuni init ataasiakkaat attartortinneqartarpuit imaluunniit inigisap ilaa sivikinnerusumi imaluunniit piffissami sivilsunerusumi. Attartortitsineq assersuutigalugu init etageami ataatsimiittut inigisamiittut init allat assigalugit imaluunniit naqqut ataanni init portusuut pineqarsinnaapput imaluunniit init quleriaat siullianni taakkununnga immikkut iserfissaqanngitsuni/aniffissaqanngitsuni. Siunnersuutigineqartoq malillugu pisuni

taamaattuni inigisamut adressimik ataasiinnarmik aalajangersaasoqassaaq, tamannalu imatut paasineqassaaq, inissiami ataatsimi tassaniittut inunnik nalunaarsuiffimmut, allakkerivimmut allanullu atatillugu adressti taanna ataaseq atussagaat. Assigisaanik taanna atuuppoq illoqatigiinnut (bofællesskabinut), ataatsimoorussamik inigisaqarnermut (kollektivinut) il.il., ilaqtariinngikkaluarlutik inigisamik ataatsimik atuisut.

Imm. 3-mut

Adressit aalajangersarneqarneranni adressinut oqartussaasut aalajangiissapput aqquserngup aqqa suna imaluunniit pisuinnaat aqquaat suna, illup normua aamma illuliap normua kiisalu enhedimut (illumut inigisamut ataatsimut taaguut) taaguut adressimi ilaasussaq suna atorneqassanersoq.

Taamaalluni aalajangersakkap siunnersuutigaa, adressinut oqartussaallutik susassaqartut (adressemyngheden) tassaasoq suliamik ingerlatsisussaq, sulissutiginnittussaq, aalajangersaasussaq adressinillu nutaanik tunniussisussaq.

Illoqannginnersat, aqqusernit, inuinnaat aqquaasa aqqi, illutip normui aamma/imaluunniit illup normui (ataatsimi najugaq pineqarsimappat) suut najukkami ilaatinneqassanersut, najukkanut oqartussap maleruagassat atuuttut iluanni aalajangertussaagaat, erseqqissarneqarnisaa aalajangersakkami siunertaa voq.

Taamaalluni aalajangersakkami siunnersuutigineqarpoq, najukkami oqartussaq tassaasoq immikkoortortaq suliaqartuuusussaq, najukkanik nutaanik suliaqartussaq, aalajangersaasussaq tunniussisussarlu.

Imm. 4-mut

Imm. 4-mi siunnersuutaavoq, Naalakkersuisut adressit suut atussanerinik aalajangersakkanik malittarisassiorsinnaasut, ilanngullugit najukkani soorlu illoqannginnersat-, aqquserngit-aqqusineeqqallu aqqi, illut normui, illuliat normui aamma enhedsnormut (normut ataatsimoorullugit atukkat) il.il., oqaluuserisap immikkuualuttortai pingarnerit.

Ilaatigut inuit namminneq piinik aqqusinernik, aqqusineeqqanik adressinillu nunap ilaanut naleqqiullugu sumi inissisimaneranut tunngatillugu paassisutissanik, kingusinnerusukkut nalilerneqassappat tamanna naleqqunnerpaassasoq, taakkunani Naalakkersuisut malittarisassanik aalajangersaasinnaa nissaannut periarfissiivoq.

Tamassuma saniatigut siunnersuutaavoq, Naalakkersuisut adressit illuutinut allatut isikkulimmik aaqqissuunneqartunut, sanaartukkanut, anlaeginut nunaminertanullu sanaartorfingineqanngitsunut il.il., imm. 1 2-milu taaneqartunut sanilliullugit Naalakkersuisut malittarisassaliorsinnaasut, kiisalu immikkut ittumik pisuni illumut ataatsimut ataatsimik

amerlanerusunik adressiliisoqarsinnaanera pillugu sammisanut taakkununnga malittarisassiorsinnaasut. Siunertaavoq, Naalakkersuisut nalunaarutini immikkoortuarartai tamaasa ilanngulligit tekniskimullu tunnganerusortaani adressinik pilersitsinernut malittarisassiorsinnaaneri.

Assersuutigalugu sumiiffinnut allanut tunngatillugu adressenik aalajangersaasoqarsinnaavoq, inuit utaqqiisaasumik imaluunniit aalajangersimasumik ineqarfianut tunngatillugu, soorlu assersuutigalugu illuaqqani allanilu sunngiffimmi inigisartakkani, angallatini inigineqartartuni, utaqqiisaasumik aqqusinikkut angallanneqarsinnaasuni sinitarfingeqartartuni, pisortanit akuerineqanngitsuni quiliukkani, tupeqarfanni il.il, assersuutigalugu tamakkununnga malittarisassiorqarsinnaavoq. Matumuunalu siunertaavoq, inuit massakkut najugaqarfigisaminnik suliffutiminnilluunniit ingerlatsivigisassaminnut adresseqalersinnaanerat, taamaalilluni adressit akuerisat CPR-imut inatsit malillugu inunnik nalunaarsuifflimmut nalunaarutigineqarsinnaanngornissaannut tunngaviliisoqassalluni siunis sarlu isigalugu suliffeqarfip nalunaarutigineqartalernissaa eqqarsaatigalugu.

Imm. 4-mut siunnersuut imaqrpoq, Naalakkersuisut malittarisassiorsinnaasut immikkut ittuni inigisaqtiginni boenhedini ataatsimik amerlanerusunik adressiliisoqarsinnaasoq. Malittarisassamit matuminnga avaqqutsilluni immikkut isiginiaqartoqarsinnaanerani siunertaasoq unaavoq, imaassinjaasoq pisuni immikkut ittuni atorfissalimmik pisariaqartitsisoqartoq ilaqtariit illuanni isertarfik aalajangersimasumik taaneqarusuttoq. Assersuutiginnarlugu pisut imaassinjaapput, inigisap ilaa aaqqissuunneqarsimasoq inuutissarsiornermut tulluarsagaalluni soorlu klinikkiulluni, nujalerisarfiulluni, titartaasarfiulluni imaluunniit inuutissarsiut allaa namminersorfiusoq, tamannalu pillugu immikkut isertarfqartoq. Immikkut ittumik adressemik aalajangersaaneq illup normuanik nammineq peqartoq, imaluunniit illumut atasumik normumik pilik, immikkut isertarfimmut atasumik, taamaattuni sullitanut, tuniniaasartunut, allakkerisunut assigisaanullu iluaqtaasumik kinguneqassaaq.

Taamaaliornikkut siunnersuummi siunertaanngilaq, adressiliisarnerni oqartussaatitaasut illumut ataatsimut normu ataatsimik periaaseqarneq saneqqutsissagaat, pissutigalugu illugisaq sivikinnerusumik imaluunniit sivisunerusumik attartortinneqassasoq.

§ 9-mut

Kalaallit Nunaanni kommunit aggornerisa avataanni najukkanik ikkussuinissaq aalajangersaanissarlu Naalakkersuisut tigummivaat. Assersuutigalugu nalinginnaasumik sakkutooqarnermik imaluunniit Ilisimatusarnernik suliallit stationini ineqartut pineqarput.

§ 10-mut

§ 10-mi siunnersuutigineqarpoq, nunaminertamik arlalinnilluunniit nunaminertanik piginnittut imaluunniit illumik pigisamik atuinissamut pisinnaatitaanermik pigisallit najukkanut oqartussaasup piumaffigininneratigut paassisutissanik illoqannginnersap-, aqquserngup-imaluunniit aqqusineeqqap aqqa, taamatullu adressit kiisalu matuminnga nalunaarsuinermut atugassat nalunaarutigisagai.

Ataatsimik arlalinnilluunniit nunaminertaasinnaasunik pigisanik piginnittoq pisussaaffeqarpoq illoqannginnersanik-, aqquserngit- aqqusineeqqallu aqqinik aammalu najukkanik aalajangersaanermut aammalu nalunaarsuinermut atatillugu Najukkat pillugit oqartussaasup tamakkua qinnutigippagit, illoqannginnersat-, aqquserngit- imaluunniit aqqusineeqqat aqqinik najukkanillu aalajangersaanissamut atugassat, Najukkat pillugit oqartussaasumut pigisat pillugit paassisutissanik nalunaaruteqassalluni pisussaavoq paassisutissiinissamut- aamma uppernarsaateqarnissamut. Tamatuminnga Najukkat pillugit oqartussaasumit pisariaqartinneqartoq paasinarsippat, Najukkat pillugit oqartussaasoq najukkap eqqortuussusia pillugu uppernarsaatit paassisutissallu pillugit atuisinnaanermut pisinnaatitaanermik pigisaqartumut saaffiginnissinnaavoq.

Illoqannginnersap-, aqquserngup- imaluunniit aqqusineeqqap aqqa suna pigisap najugaata sumiiffigisassaanut aalajangiisuussoq, ilaattilugit assersuutigalugu pigisamut nunaminertaasinnaasumut aqqusineq appakaaffik pillugu najukkanik aalajangersaanermut pingaarutilit pissutsit pillugit paassisutissanik aalajangersagaq ilaqarpoq.

Oqaatigineqarpoq, najukkami oqartussaq pisut amerlanersaanni paassisutissanik attuumassuteqartunik tigummiaqareertassasoq, assersuutigalugu sanaartornermut suliassamit imaluunniit nunap assinganit digitaliusumit, silaannarmit assilisanit il.il.

Piginnittup paassisutissanik annertunerusunik nalunaarutiginninnissa, taamaallaat pisuni immikkut ittuni pisariaqassasoq, tamanna tunngavigalugu naatsorsuutigineqarpoq. Pisariaqartitsineq assersuutigalugu pilersinnaavoq illutini anginerusuni arlalinnik illutaqartuni imaluunniit illutip allangortinneqarnerani. Tassani matut sorliit assersuutigalugu immikkoortutut normulerneqassanersut aammalu atuisussanut paasiuminartumik normut tulleriinnilersorneri qanoq aalajangersarneqassanersut aalajangersarniarlugu, piginnittup imaluunniit atuisinnaatitaanermik pigisaqartup illuummukarnissamut aqqutissat aammalu isertarfii aamma matut isertarfii ataasiakkaat inisisimanerat atorneqarnerallu pillugit paassisutissiissutai, naleqquqtiissapput.

Uppernarsaasiinissamik piumasaqaammi tassa pineqarpoq, paassisutissat najukkanut oqartussamut nalunaarutigineqartut eqqortuunerisa uppernarsarneqarnissaa ajornanngippat, piginnittoq imaluunniit atuisinnaatitaanermik pigisaqartoq pisussaaffeqartut.

Imm. 2-mut

Piginnittup paassisutissiinissamut- upfernarsaanissamullu pisussaaffia, § 10-mi imm. 1-im eqqartorneqartoq, Naalakkersuisunit aalajangersaavagineqarsinnaasoq Imm. 2-mi siunnersuutigineqarpoq..

Siunnersuummi § 10-mi allassimasutut, paassisutissiinermik- upfernarsasussaanermillu pisussaaffiup naammassineqannginnerata kingunerisinnaagaa piginnittup akiligassaanik Najukkat pillugit Oqartussaasoq paassisutissanik pissarsiniarsinnaasoq maluginiarneqarpoq, takuuq siunnersuummi § 17.

§ 11-imut

Allagartalersuinerup illuniittunillu allagartalersuutink qammaqqusersuinerup qanoq ingerlanneqarnissaanik Naalakkersuisut malittarisassanik aalajangersaasinnaasut § 11-im aalajangersakkami siunertarineqarpoq.

Illut normuinik allagartaliineq, illup normuanik illumullu ilaasut normulereranut kalaallit adressiliisarneranni pingaaruteqartuupput, taamaattumillu, illumik illunilluunniit piginnittup allagartat taakku eqqortumik illumut ikkutissagai pingaaruteqarpoq, taamaalillutik allagartalersuutitigut innuttaasut, politiit sillimaniarnermillu suliaqartut il.il., sukkut ingerlanertik paasisimaniassammassuk taamaalillutillu ornitartik nassaarisinnaaniassammassuk.

Taamaalilluni illumik piginnittoq kisimi pinnani imaluunniit inuit allat illumi najugaqartut kisimik pinnatik, ajornanngitsumik illup taassuma allagartaa takuneqarsinnaasoq iluaqtigalugu sumiissusersis innaannngussaaq.

Allagartat innersuussissutit allagartaapput, innuttaasut sammivimmut eqqortumut innersuutissallugit. Assersuutigalugu allagartaqarsinnaavoq "2-6'mut"-mik qarsuusamillu allannilimmik, sammivimmut tikkussisoq, illut normuinut 2-6'mut apuunniarluni malinneqartussaq.

Imm. 2-mut

Imm. 2-mi siunnersuutigineqarpoq, Naalakkersuisut aalajangersaasinnaasut, najukkanut oqartussaasup illunik piginnittunut peqqussutigisinnaagaat imm. 1-im taaneqartup illup ilaa illumut attuumassuteqartup normua-, illup normua- amma sumi soqerneranut tikkutaasut allagartalersuutit suliarineqassasut periaaseq aalajangersimasoq atorlugu, taamaattooreertussatut (logisk) assigiissaartumillu pissuseqarluni allagartalersuineq piumasarineqarpat, imaluunniit sumiissusersis innaasoqartoq, tamakku tunngavigalugit.

Assigisaanillu imm. 2-mi siunnersuutaavoq, Naalakkersuisut pisinnaatinneqartut najukkanut oqartussaasumut illuliat- aamma illut normuannut il.il. allagartalersuutinut akiliisitsisarnissamut malittarisassiorsinnaasut.

Imm. 2-mittaaq siunnersuutigineqarpoq, najukkanut oqartussaasut inatsit taanna allagartanik illut normuinik imaqartunik, illumut atasut normussaannik kiisalu illut normusisa quillernissaannut malittarisassiorsinnaapput. Najukkanut oqartussaasoq ass. atorsinnaavaat malittarisassiatut ittut, malittarisassat nalinginnaasut aamma taamaalioqqissinnaaneq innersuussutigalugu – nalinginnaasutut sanaartornermut tunngasuni suliani – illup normuinik ikkussinissaq piviusunngortinneqassasoq, illunut atasut allagartamik normulerneqassasoq kiisalu nunaminertamut ataatsimut pineqartunut ataasiakkaanut, imaluunniit sanaartukkanut illup sumiinneranik takutitsisunik allagartalersuisoqassasoq.

Inassut assersuutigalugu unaasinnaavoq, illut normuisa allagartaat sumi, illumut attuumassuteqartut illut ilaasa normuisa allagartaat sumiuttoqarneranillu takutitsisut allagartat sumut ikkunneqarnissaat, allagartat sunik tikkuussinersut, angissuserlu eqqarsaatigalugu, qalipaatit, qaammaqquisiisimanerit il.il. qanoq ilusilerneqarsimanissaat, taamaalillutik paatsoornanngitsumik sanaartukkap tungaanut tikkuussisinnaanngoqqullugit, pifflimilu tassani illut normulersorneqarnerannut assingusuusut qularnaarlugu.

§ 12-imut

Malittarisassaq siunnersuutigineqartoq najukkanut oqartussaasup sanaartukkamut sumulluunniit nunaminertamullu sumulluunniit adressilersuinissaq siunertalarugu imaluunniit allagartalersuisimanerit misissorniarlugit isersinnaanissaannut tunngassuteqarpoq.

Imatut siunnersuutaavoq, najukkanut oqartussaasut illunut (sanaartukkanut) isersinnaanissaat periarfissiissutigineqassasoq, ilaatigullu allagartalersuinerit siunnersuutit matumunnga malittarisassiorsimanerat tunaartalarugu ilaatigullu adressit eqqortut ikkunneqarsimanersut pillugit misissuisinnaanissaq.

Imm. 2-mut

Imm. 2-mi siunnersuutigineqarpoq, taassuma saniatigut pisinnaatinneqassasut illunut pisortanit iserfigineqarsinnaasunut illup iluinik misissuisinnaanissaamut tassani siunertalarugu adressiliinissaq imaluunniit misissuiffiginiarlugu allagartanik ikkussineq Malittarisassani § 11 naapertorlugu ingerlanneqarsimanersoq.

Aalajangersakkami Najukkanut Oqartussaasoq tikinneqarsinnaasunut pisortat illuliaannut nunaminertanulluunniit eqqartuussisumiit akuersisummik peqqaarnani ornigussinnaatitaanermik tunineqarpoq, kisianni siumoortumik ilisimatitseqqaarnissaa kinaassutsimullu uppermarsaammik takutitseqqaarnikkut tamanna pisinnaavoq.

Illuutit tamanit orninneqarsinnaasut oqarnermi pineqarpuit illuutit soorlu katersortarfii, oqaluffiit, atuakkanik atorniartarfii aamma tusarnaartitsisarfii il.il. isiginnaartunut tamanit orninneqarsinnaasut.

Imm. 3-mut

Imm. 3-mi siunnersuutaavoq, illuliani taamaallaat najukkanut oqartussaasoq misissuisinnaasoq, inigisat imaluunniit init inuussutissarsiorermut atasut, pisortat susassaqarfiginngisaanni. Taannalu pifinni aalajangersimasuni kisimi atuuppoq, pasitsaanneqarsimappat allagartalersuutit pingarnersaatigut amigaateqarpata imaluunniit adresseliinissaq suliarineqassatillugu, ilanngullugit malittarisassanik eqquutsitsisimannginneq § 11 naapertorlugu aalajangersarneqarsimasumi.,

Imm. 3-mi siunnersuutigineqartoq assersuutigalugu atorneqarsinnaavoq pisuni, inissiani quleriaani paatsuunganartoqarsinnaasuni inissianut atasut normulersorniarneranni imaluunniit matuliinissaq aalajangerneqarpat, imaluunniit pasitsaassaqartoqarsimappat allagartalersuinermi pingaarutilinnik amigaateqartoqartoq. Aammattaaq pisuni najukkanut oqartussaasup inissiamit piginnittumit illup iluanik misissuinissaq siunertaralugu isersinnaanissamut akuersisummik pisinnaasimatinnagu, illuni pisortat susassaqarfiginngisaanni. Ilanngullugit piginnittup najukkanut oqartussaasup saaffiginnissutai akineqaqqusaasut akisimanngikkaangagit, imaluunniit najukkanut oqartussaasoq piginnittumit misissuinissaq siunertaralugu isersinnaanissamut saaffiginnissut itigartissimagaangagu. Assersuutigalugu peqarpoq pasitsaassinernek allagartalersuinermi amigaateqartoqartoq pisuni najukkanut oqartussaasoq sillimaniarnermik suliaqartunik, siumuisimasunik ikuallattoortoqarsinnaanissaanut atasumik misissuinermi, politiit sulineranni, imaluunniit innuttaasut allagartalersuutit amigaateqarnerat pissutigalugu aqqutip nassaariuminaassimaneranik misigisaqarsimasut maalaaruteqarneranni nalunaarutinik tigusaqarsimatillugu.

Misissuineq § 12 naapertorlugu siunnersuutigineqarsimasukkut pissaaq siusinaartumik ilisimatitsinkut taamatullu uppermarsaammik attuumassuteqartumik takutitsinkut.

§ 13-imut

§ 13-imi siunnersuutaavoq Naalakkersuisut taakkuussasut nuna tamakkerlugu nalunaarsuiffimmik, illoqannginnersat-, aqquserngit-, aqqusineeqqat aqqisa aamma adressit paasissutissartaannik imalimmik pilersitsillutilu ineriertortitsisussat, taaneqartoq Kalaallit Nunaata Najukkanut Nalunaarsuvia (Grønlands Adresseregister) küsalu Naalakkersuisut innersuussutaat malillugit najukkanut oqartussaasoq nalunaarsuinermik suliaqartuuussasoq.

Imm. 2-mut

Imm. 2-mi siunnersuutigineqarpoq, Naalakkersuisut kommunit peqatigiiffiannik imaluunniit ingerlatseqatigüiffik namminersortumik oqartussaaffimilluunniit Naalakkersuisut ataanni inissisimasumik pilersitsissasoq aamma Kalaallit Nunaanni Najukkanik Nalunaarsuiffimmik ineriaartortsinissaq pillugu tunngavissamik sulissutiginnittoqassasoq imm. 2-mi siunnersuutigineqarpoq.

Namminersortunik pisinnaatitsinermi, siunnersuutaavoq § 15-imi imm. 2-mut ikkunneqassasoq pisussaaffiliineq, nipeqartoq namminersortut suliamic ingerlatsinerinut Naalakkersuisut nakkutilliiermik ingerlataqassasut.

Begrebi ingerlatsivik ingerlatsivimmut namminersortumut atatinneqarpoq, soorlu ass. Ingerlatsivik kommunimut ataatsimoorussaq (Fælleskommunalt selskab)

Imm. 3-mut

Siunnersuutaavoq, najukkanut oqartussaasup najukkanut nalunaarsuiffimmut nalunaarutaat tunngaviusumik paasissutissiissutinik imallit najukkanut oqartussaasumut pisussaaffittut piumasagaataassasoq. Taassuma saniatigut najukkanut oqartussaasoq pisussaaffeqarpoq najukkanut nalunaarsuiffiup ulluinnarni ingerlannissaanut, ilanngullugit nalunaarutit aamma kukkanunik iluarsiinerit il.il., illoqannginnersat-, aqquserngit- aqqusineeqqallu aqqini, takuneqartartut imaluunniit adressit adresseeni Kalaallit Nunaanni Najukkanut Nalunaarsuiffimmut naleqqiullugu pingaaruteqarlutik tunngaviusumik paasissutissaasut.

Imm. 4-mut

Imm. 4-mi aalajangersakkap erseqqissarpaa, Kalaallit Nunaanni Najukkanut Nalunaarsuiffiup ulluinnarni ingerlatitaanera najukkanut oqartussaasumit tigummiarneqartoq imatut paasillugu, najukkanut oqartussaasoq ilaatigut tassaasoq ulluinnarni ikkussillunilu piiallunilu, illoqannginnersat-, aqquserngit- aqqusineeqqallu aqqinik, illuliat normuinik aamma illunut atasumik illuliani normusilersuutinik pisariaqartillugu allanngortiterinissamik ingerlatsisoq. Najukkanut oqartussaasoq ullumikkut tamatuminnga suliaqareernera, siunnersuummi allanngortinniarneqanngilaq.

Imm. 5-imut

Imm. 5-imi siunnersuutaavoq, Naalakkersuisut pisinnaatinneqassasut malittarisassaliussallutik paasissutissat suut najukkanut nalunaarsuiffimmut ilanngunneqassanerinik, imatut paasillugu, paasissutissat sukumiinerusut suut illoqannginnersat-, aqquserngit- aqqusineeqqallu aqqinut nalunaarutigineqassanersut, kiisalu Kalaallit Nunaanni Najukkanut Nalunaarsuiffimmil adressit suut nalunaarutigineqassanersut. Maleruagassat taakku Naalakkersuisut nalunaarusiaannut ilanngunneqassapput.

§ 14-imut

§ 14-imut siunnersuutigineqarpoq, Kalaallit Nunaanni najukkat, pigisat nalillit aamma nalunaarsuinermi kort-it digitaliusut (digitalimik atuinermut atatillugu korti) pillugit pisortat tunngaviusunik paasissutissanik nalunaarsuiffiisa, illoqannginnersat-, aqquserngit-imaluunniit aqqusineeqqat aqqinik imaluunniit najukkamik imaqartut, aqquserngit-imaluunniit aqqusineeqqat aqqi aamma najukkat nassaassaaneri pillugit paasisitsiniaanermut Kalaallit Nunaata Najukkanut Nalunaarsuiffia, ilisimaarinittutut oqartussaasutut paasiniaavittut atortassagaat. Oqaaseqatigiiliorneq "ilisimaarinittutut oqartussaasutut" aalajangersakkami atorneqaraangat, Kalaallit Nunaata Najukkanut Nalunaarsuiffiani aqquserngit-imaluunniit aqqusineeqqat aqqi najukkallu pillugit paassisutissat eqqortutut, atuuttutut tutsuiginartutullu isigisaanerinut ersiutaasarpoq. Taamaaliornikkut ilaatigut taanna suleriaaserissinermik iluanaarut, tassaasoq pisortat paasisutissamik ataasiaannarlutik, ataasiinnarmilu nalunaarsuisarnissaat, kiisalu, oqartussaasut tamarmik qaffasissumik pitsaassusilimmik tunngaviusumik paasissutissanik pissarsiarinnissinnaanerannik isumannaallisaanermik imaqartoq, anguneqassaaq..

Najukkanut nalunaarsuiffimmut atugassamut suliassaqarfimmut maleruagassat atuuttut malillugit kommuninit nutarterneqartassasut, CPR-imti nalunaarsuinerup nutarterneqartarnissaata imaatalu maleruagassiorissaal aalajangersakkami siunertarineqanngilaq. Najukkanut nalunaarsuiviup aammalu CPR-ip aqqusinernut nalunaarsuiviata akornanni aqquserngit pillugit il.il paasisutissani naapertuunneq qulakkeerneqassasoq anguniaagaavoq.

Imm. 2-mut

Imm. 2-mi siunnersuutigineqarpoq, pisortat oqartussaasui suliffeqarfiiu nutaanik qarasaasiaqarfinnik pilersitsinermanni, ataqtigijimmik aaqqissuussaatitik ima inissitsitertassagaat, suut illoqannginnersat-, aqquserngit-imaluunniit aqqusineeqqat aqqinik aamma najukkamik nassaassaaneri pillugit paasisitsiniaanermut Kalaallit Nunaata Najukkanut Nalunaarsuiffia, ilisimaarinittutut oqartussaasutut paasiniaavittut atortassagaat. Tamatumunnga allanguineq nalinginnaasumik aatsaat qarasaasiaqarfik nutaaq pissarsiarineqassatillugu, imaluunniit pioereersoq allanngortiterneqassatillugu nutarterneqassatilluguluunniit, pisariaqartassaaq.

IT atorlugu periaatsimik pilersitsinissaq aalajangersakkap atuutilinnginnerani aallartinneqarsimappat, ilanngullugu IT atorlugu periaaseq aallartinneqarsimasoq pillugu neqeroortitsineq allagarsiissutigineqarsimallumi, taakkua imm. 2-imti pisussaaffimmi pineqartunut ilaassanngillat.

Taamaattoq erseqqisaatigineqassaaq, imm. 2-mi siunnersuummi oqartussaasup qarasaasiaqarfimmik aaqqissuussiniarnermini imaaliorsinnaanera, aaqqissuussap iluani (system-imi) Kalaallit Nunaata Najukkanut nalunaarsuiffianeersunik illoqannginnersat-, aqquserngit- imaluuniit aqqusineeqqat aqqisa aammalu najukkanut pineqartunut paasissutissat assilinerannik peqarnissaanik, pinngitsoortitsiniarneq siunertarineqanngimmat. Illoqannginnersat-, aqquserngit- imaluuniit aqqusineeqqat aqqinik aammalu najukkanut paasissutissanik system-ip iluaniittunik tunngaviusunik paasissutissanik pisortatigoortunut naapertuitingitsunik aserfallatsaaliuisoqarnissaata pinngitsoortinnissaa Siunnersummik taamaallaat siunertarineqarpoq.

Imm. 3-mut

Imm. 3-mi siunersuutigineqarpoq, kukkunerit toqqaannartumik Najukkat pillugit Oqartussaasumut, Kalaallit Nunaata Najukkanut Nalunaarsuiffiata ingerlanneranik isumaginnittumut, nalunaarutigineqartassasut.

Siunnersuutaavortaaq, pisortani oqartussaasoq, Kalaallit Nunaata Najukkanut Nalunaarsuiffiani illoqannginnersat-, aqquserngit- imaluuniit aqqusineeqqat aqqinik aammalu najukkanik aalajangersakkani nalunaarsukkanilu kukkunermik amigaatinillu nassaartoq, Najukkanut Oqartussaasumut kukkunerit amigaatillu nalunaarutigissagai.

Pisortani oqartussaasoq imaluuniit suliffeqarfik Kalaallit Nunaata Najukkanut Nalunaarsuiffiani tunngaviusunik paasissutissani pisortatigoortuni kukkunermik nassaaruni, kukkuneq aallaaviagut, tassalu Kalaallit Nunaata Najukkanut Nalunaarsuiffiani, iluarsineqassaaq, takuuk imm. 3.

Ilisimaarinnittutut oqartussaasumik, ima paasillugu tunngaviusunik paasissutissanik nalunaarsuiffik aalajangersimasoq, paasissutissanik aalajangersimasunik nalunaarsuinermik akisussaasuusumik toqqaanissaq pillugu Tunngaviusunik paasissutissanik aaqqissuussami (Grunddataprogram-imi) siunertatut pingarneq Siunnersuummi malinneqarpoq. Pineqartuni tunngaviusunik paasissutissani atuisoq kukkunermik nassaaruni, kukkuneq akisussaasumut oqartussaasumut nalunaarutigineqassaaq, taamaalluni kukkuneq aallaaviani iluarsineqarsinnaaniassammat pisortatigoortunillu tunngaviusunik paasissutissanik atuisunut tamanut ilaquaalluni.

Taamaallaat pisortani oqartussat kukkunernik amigaatinillu nalunaaruteqarnissamik pisussaatitaasut aalajangersakkap oqaaseqatigiiornermigut imaraa.

Aammattaaq innuttaasut suliffeqarfiallu, illoqannginnersat-, aqquserngit- imaluuniit aqqusineeqqat aqqini imaluuniit najukkami kukkunermik nassaarunik najukkanut oqartussamut nalunaarnissamut tikilluaqquaapput.

Siunnersuutigineqarpoq Najukkanut Oqartussaasup Kalaallit Nunaata Najukkanut Nalunaarsuiffianik ingerlatsineranik Naalakkersuisut nakkutilliissasut.

Pisortat tunngaviusunik paasissutissanut nalunaarsuiviinut (Najukkat), Suliffeqarfiiit normui (CVR), Illut ineqarfiillu nalunaarsuiffii (GBBR allallu), aammalu kalaallit qarasaasiakkut aaqqissuussaat allat aamma illoqannginnersat-, aqquserngit- imaluunniit aqqusineeqqat aqqa aammalu najukkat pillugit, ilisimaarinnittutut Oqartussaasutut paasiniaavituatut, Kalaallit Nunaata Najukkanut Nalunaarsuiffianik atuisussanut qarasaasiaqarfinnut allanut, paasissutissanik qaffasissumik pitsaassusilinnik ataannartitsinissaq annertoorujussuarmik sunniuteqassaaq. Maluginiagassaavoq siunnersuummi qallunaat nalunaarsuivi, soorlu assersuutigalugu CPR-imi nalunaarsuivik maleruagassiorniarneqanngimmata.

Tunngaviusunik paasissutissanut aaqqissuussap (Grunddataprogram-ip) najoqqutassiai naapertorlugit Kalaallit Nunaata Najukkanut Nalunaarsuiffianit tunngaviusunik paasissutissanik tunngaveqarniartunut, akulikitsumik nutarsaasarnerit, annertuumik tatiginassuseq sukkasuumillu kukkunernik amigaatinillu aaqqiisinnaaneq pillugit assingusumik piumasaqaatit, namminersortut qarasaasiaqarfintut amerlasuunut, tunisassianut kiffartuussivinnullu atuutissapput.

Imm. 2-mut

Imm. 2-mi siunnersuutigineqarpoq, Naalakkersuisut ingerlatsivimmik nakkutilliissasut imatut pisoqarsimappat, Naalakkersuisut § 13, imm. 2 najoqqutaralugu piginnaatitsisummiik tunniussisimappata, ingerlatsiviup pilersissagaal Kalaallit Nunaata Najukkanut Nalunaarsuvia.

Oqaatsimi ingerlatseqatigiiffik, ingerlatseqatigiiffiit namminersortut taamatullu kommunit ataatsimoorussamik ingerlatseqatigiiffigisinnaasaat, innersuussutigineqarput.

Imm. 3-mut

Naalakkersuisut qinnuteqarnerisigut, nakkutilliinermut ingerlatsinissamut pisariaqartunik paasissutissiissutinik, paasissutissanik allakkianillu Kalaallit Nunaanni Najukkanut Nalunaarsuivimmik pilersitsinissamut ineriaartortitseqqinnissamillu pisussaaffiligaasoq Najukkanut Oqartussaasoq, imaluunniit suliffeqarfik namminersortoq tunniussisassasoq imm. 3-mi siunnersuutaavoq

§ 16-imut

Siunnersuut malillugu Najukkanut Oqartussaasup aalajangigai pillugit maalaarsinnaaneq pillugu malittarisassat § 16-imi siunnersuutigineqarput.

Siunnersuutigineqarpoq, najukkanut Oqartussaasup illoqannginnersat-, aqquserngit-imaluunniit aqqusineeqqat aqqisa allallu aalajangersarneqarneri pillugit eqqartuussisulersuussinermi apeqqutit eqqarsaatigalugit maalaarsinnaanermut sapaatit akunneri sisamat iluanni maalaarutigineqarsinnaasut.

Siunnersuut siunnersuullu malillugu maleduagassat aalajangersarneqartut malillugit Najukkanut Oqartussaasup aalajangigai taamaallaat maalaarutigineqarsinnaapput. Tamatuma nassataraa aalajangikkat inatsit alla malillugu Kalaallit Nunaata Najukkanut Nalunaarsuiffiani paasissutissanik atuinermi Najukkanut Oqartussaasumit allaanermit oqartussaasumit aalajangerneqartut, siunnersuutigineqartoq maalaarsinnaatitaaffik malillugu, maalaarutigineqarsinnaanngitsut.

Eqqartuussinermi apeqqutit eqqarsaatigalugit aalajangikkat, tamakkuinnaapput maalaarutigineqarsinnaasut. Taamaalilluni aalajangikkap eqqartuussisulersuussinissamut tunngavianik piviusunillu misiliisinnaanermut maalaarsinnaanermut oqartussaasup naliliisinnaanermut tunngavia killiligaavoq, aalajangikkallu siunertamut naapertuunneranik misiliinissamut ilaqtarnani.

Eqqartuussissuserinermi apeqqutinik misiliinerup pingarnertut ilagai allakkiatigut inatsisitigullu maleduagassat eqqartuussinermillu aqtsinermi inatsisitigut maleduagassat. Aammattaaq Maalaaruteqartarnermut Oqartussaasup, aalajangigaq inatsisini tunngavissaqarnersoq, ilaattillugit, siunnersuut eqqortumik paasineqarsimanersoq aalajangiivigissallugu, suliarlu pineqartoq inatsisini aalajangersakkut ilaatinneqartoq, misilissinnaavaa. Aammattaaq Maalaaruteqartarnermut Oqartussaasup, nalinginnaasut allassimannngitsut inatsisink aqtsinermi tunngaviusumik malittarisassat najoqqutassallu, ilaattillugit piissaanermik sangutitsinermut tunngaviusumik malittarisassat, naliqissitsinermik tunngaviusumik malittarisassat, alliartoqatigiissitsinermik najoqqutassiaq, naatsorsuutiginninnerup maleduagassiarineqarnissaanut inerteqqut allallu malinneqarsimanersut, misilissinnaavaa. Eqqartuussissuserinermi apeqqutinik misiliineq, iluminni malittarisassanik, ilitseruutinik allanillu aammattaaq ilaqrpoq.

Inatsisitigut aqtsinermi missiliuineq eqqartuussissuserinermi apeqqutaanngilaq, taamaalillunilu Maalaaruteqarsinnaanermut Oqartussaasup tamanna naatsorsuutiginnilluni naliliineq, aalajangiinerup siullerpaamik passunneqarneranut atatillugu suliarineqarsimasoq aalajangiivigis innaanaagu.

Imm. 2-mut

Maalaarsinnaanermut pisinnaatitaaffillit killeqartut imm. 2-mi siunnersuutigineqarpoq. Taanna, aalajangiivigineqartoq, kinaluunniillu, ataasiakkaatut, annertuumik suliamut soqutigisaqartoq, Najukkanut inatsit malillugu Najukkanut Oqartussaasup aalajangigaa

pillugu maalaarsinnaatitaanermik aalajangersakkakut tunineqarpoq. Ataasiakkaatut, suliamut annertuumik soqutigisaqarneq isumaqarpoq, maalaaruteqartoq pineqartoq aalajangikkamut ima attuumassuteqartigisariaqartoq, aalajangikkap tamanut inunnik annertunerusumik ataatsimoorfimmut sunniutaanut sanilliullugu, tassunga sunniutaasoq immikkut ittuussalluni.

Imm. 3-mut

Maalaarnissamut piffissarititap sapaatit akunnerinik sisamanik sivissussuseqarnera naapertuuttutut nalililerneqarpoq, eqqarsaatigigaanni, piffissarititaq ullormiit aalajangiinerup maalaarnissamut pisinnaatitaasumut apuunneqarneraniit, takujuk imm. 3, imaluunniit ulloq taanna tamanut nalunaarutigineqarfianiit naatsersorneqartassasoq. Taamaalilluni allakkatigut nassitsinermi nalinginnaasumi piffissamik atuisarneq, tassami ulluniit sapaatit akunnerinut nikerartumik sivissussuseqartarsinnaammatt, apeqqutaalluni allakkat qanoq ungasitsigisumut assartorneqassanersut, timmisartoq ajoquteqarsinnaasoq, sumiiffimmi silap pissusaa allallu eqqarsaatigineqarlutik.

Pisoq sioqqullugu suliamik immikkoortortaqarfimmut allamut ingerlatitseqqiinissamut periarfissaq atorneqarsimanngippat eqqartuussisutigut misiliineq unitsinnejassasoq siunnersuutaavoq, erseqqissaatigalugu, uani taamaallaat pineqarmat eqqartuussissuserinermi apeqqutit eqqarsaatigalugit unitsitsisoqartoq. Eqqartuussiviup misiliinera nalinginnaasumik ilaqarpoq sullissinerliortoqarsimappat (pisinnaasatigut, piginnaasatigut allatigullunniit amigaatit), soorlu eqqartuussissuserinermilu apeqqutit, tassa imappoq aalajangiinermi eqqartuussinermut tunngaviusunik atuinermut atatillugu amigaatit (*tunngavinnik amigaateqarneq*). Pisinnaasatigut, piginnaasatigut allatigullunniit amigaatinut assersuutigalugu patsisilersuineq imaluunniit maalaarnissamut ilitsersuineq amigaataasut imaluunniit amigartoq, suliap imaanik takunnissinnaatitaanermut pisariaqanngitsumik itigartitsinerit kiisalu immikkut ittumik attuumassuteqarpallaartoq imaluunniit piginnaanikippallaarneq ilaapput. Tunngavissanik amigaateqarnermut ilaatinneqartarput ilaatigut eqqunngitsumik paasinninneq, suliamut tunngassuteqanngitsunik malersuineq (pissaanermik sangutitsineq) suliamullu tunnganngitsumik immikkoortitsineq.

Najukkanut Oqartussaasoq Najukkat pillugit inatsit malillugu illoqannginnersat-, aqquserngit-imaluunniit aqqusineeqqat aqqi aamma najukkat pillugit aalajangiissaq allagartalersuinerlu pillugu malittarisassat Najukkanut Oqartussaasumit aalajangersakkat innuttaasumut naammasseqqullugit atuutilersitsinermik peqqusisinhaalluni, takujuk § 11. Assersuutigalugu allagartalersuineq pillugu malittarisassanik malinninnissaq pillugu peqqusissutitalimmik aalajangiineq, aamma illoqannginnersat-, aqquserngit- imaluunniit aqqusineeqqat aqqinik aalajangersaaneq, innuttaasup arlaannik pissuteqarluni illoqannginnersat-, aqquserngup-imaluunniit aqqusineeqqap aqqanik iluarinninnginera pillugit maalaarutigineqarsinnaavoq.

Maalaaruteqarnissamut piffissarititaq ullormiit, aalajangiineq pineqarpat, tamanut nalunaarutigineqarnissaanik suliaqartoqarsimalluni, tamanut nalunaarutigineqarneraniit,

imaluunniit aalajangiinerup nalunaarutigineqarneraniit sapaatit akunnerinik sisamanik sivisussuseqassasoq imm. 3-mi siunnersuutaavoq. Aammattaaq immikkut ittumik pissutissaqartillugu, maalaaruteqarnissamik piffissarititap sinnerneqarnera soqutiginnginnejarsinnaasoq siunnersuutigineqarpoq.

Maalaaruteqarnissamut piffissarititaq naatsersorneqassaaq piffissamiit, aalajangiineq pillugu nalunaarutip pineqartumut annguffianiit imaluunniit tamanut nalunaarutigineqarfianiit. Maalaaruteqarnissamut piffissarititaq qaangiutissaaq, nalunaarutigineqarnerata anngunnerata imaluunniit tamanut nalunaarutigineqarnerata, sapaatit akunnerisa ulluanni assingusumi, sapaatit akunneri sisamat, kingorna. Maalaaruteqarnissamut piffissarititap ullua arfinningorneruppat, sapaataappat imaluunniit nalliuuttuppat, piffissarititaq sivitsorneqassaaq ulluinnarmut tulliuttumut.

Kommuni aalajangerpat allannguutinik tamanut nalunaaruteqarniarluni, assersuutigalugu suliassaqarfinnut annerusunut, innuttaaqatigiinni eqimattani aalajangersimasuni ataasiakkaanut toqqaannartumik nalunaaruteqartarnermiit allaanerusumik, nalunaaruteqartarfitsigut allaanerusutigut, tamanut nalunaarutiginninneq pisarpoq. Assersuutigalugu sumiiffimi sanaartorfiusussatut pilersaaruteqarfiusumi nutaami illoqannginnersat-, aqqusinermut- imaluunniit aqqusineeqqamut ateq nutaaq pillugu aalajangiineq sumiiffimi pilersaaruteqarfiusup tamanut nalunaarutigineqarnerani imaluunniit illoqannginnersat-, aqquserngit- imaluunniit aqqusineeqqat aqqinik nutaanik unammisitsinermi tunniunnejarsimappat, unammisitsinerup inernera sumiiffimi aviisimi tamanut nalunaarutigineqarluni, tamanna pisinnaavoq.

Patsisaasut immikkut ittut, Maalaaruteqarnissamut Oqartussaasup maalaaruteqarnissamut piffissarititamik qaangiernik soqutiginnginissaanut pissutaasut makkusinnaapput; tunngavilersuineq imaluunniit Najukkanut Oqartussaasup aalajangiineranut maalaaruteqarnissamut ilitsersuussineq amigaataasoq imaluunniit amigartoq. Taamatuttaaq maalaaruteqarsinnaasumut pissutaasunik immikkut ittunik pisoqarsinnaavoq, maalaaruteqarsinnaasup maalaaruteqarnissamut piffissarititap qaangiutinnginnerani maalaaruteqarnissaanik akorngusiisunik.

Immikkut tunngavissat, Naammagittaalliornissamut piffissamut killiliussap qaangerneqarnera isiginiarneqassanngitsoq, tunngavilersuutaasinnaasut pineqarnersut, ataasiakkaatigut nalilfersuineq apeqqutaassaaq. Ataasiakkaatigut nalilfersuinermi pissutsit, soorlu ilaatigut paasissutissat pisariaqartut aamma uppermarsaatit pisariaqartut pissarsiariinissaannut, ilaatigut paasissutissat taakkua najukkanut oqartussamut nassiunniissaannut, piffissaq qanoq sivisutigisinnaanersoq, sillimaffigineqartariaqarput, taamaalilluni allakkanik nassiussinermi piffissanut tunngasut, najukkani silap qanoq issusaa aamma timmisartumi/angallammi il.il teknikkikkut ajornartorsiuteqarnerit, naammagittaalliornissamut piffissamut killiliussap sivitsornissaanut tunngavilersuutaasinnaallutik.

Imm. 4-mut

Naalakkersuisut allamik aalajangiinngippata, Najukkanut Oqartussaasup aalajangiineranut maalaaruteqarneq, unitsitsinermik kinguneqassanngitsoq, imm. 4-mi siunnersuutaavoq. Tamanna isumaqarpoq, Naalakkersuisut allamik aalajangiinngippata, aalajangersagaq siunnersuutigineqartoq malillugu maalaarummik tunniussisoqaraluarpalluunniit - assersuutigalugu najukkap taaguuserneqarnera atuutilissasoq - aalajangiivigineqartup Najukkanut Oqartussaasup aalajangiinera malittariaqaraa.

Imm. 5-imut

Najukkanut Oqartussaasup aalajangiinerata eqqartuussisulersuussinnaaneranut, maalaarutip qaffasinnerusumut ingerlateqqinnissaanik periarfissap atorneqareersimanera, piumasagaataassasoq imm. 5-imi siunnersuutaavoq

§ 17-imut

§ 10 naapertorlugu paassisutissanik eqqortunik imaluunniit uppernarsaatnik saqqummiusseqqullugu Najukkanut Oqartussaasup innersuussinera taassuma malissimannngippagu, piginnitup imaluunniit atuinissamut pisinnaatitaaffimmik pigisaqartup akiligassaanik Najukkanut Oqartussaasoq suliaqarsinnaasoq, pillaatitut aalajangersakkamik kommunip imminut ikiuinermik suliaqarsinnaanissaanik tunngavissalernissaa, siunnersuutaavoq.

Najukkanut Oqartussaasup suliassat peqqusissutigineqartut naammassinissannut piginnittooq imaluunniit atuinissamik pisinnaatitaaffimmik pigisaqartoq piffissamik naapertuuttumik tunissavaa. Naammaginartumik suliaq imaluunniit piffissarititap naanerani naammassineqarsimanngippat aatsaat, suliassat peqqusissutigineqartut piginnitup imaluunniit atuinissamik pisinnaatitaaffimmik pigisaqartup akiligassaanik Najukkanut Oqartussaasup suliarisinnaavai.

Imm. 2-mut

Imm. 2-mi siunnersuutigineqarpoq, tunngavilersuisoqassasoq, najukkanut oqartussaasup allagartaliinissaminut il.il. inissiisinnaatitaassasoq, najukkamik piginnitup imaluunniit atuinissamik pisinnaatitaaffimmik pigisaqartup nammineq akiligaanik, najukkanut oqartussaasumiit suliat iluarsaannissaannut akuersisummik peqqussuteqartoqarsimanngippat naleqq. § 17 imm. 1 aamma § 11. imm. 2.

Imm. 3-mut

Aningaasartuutit imm. 1-i malillugu Najukkanut Oqartussap akilersinniarsinnaasai, uppernarsaatitalinnik atortorissaarutitigut teknikkikkut ikiorneqarnermut kiisalu uppernarsaatitalinnik aqutsisoqarnikkut aningaasartuututnik taamaallaat imaqarnissaat siunnersuutaavoq. Oqariartaatsimi 'aninggaasartuutit uppernarsaatitallit' innersuumneqarpoq, Najukkat pillugit Oqartussaasoq paasissutissanik pisariaqartunik katersinermi aningaasartuutaasimasunik uppernarsaasinnaasassasoq utertitsisinnaasassallunilu. Uppernarsaatit tassaasinnaapput assersuutigalugu suliamik suliaqarsimasut Najukkat pillugit Oqartussaasumi sulisup ataatsip imaluunniit arlallit sulinermut tiiminut atorsimasanut allattuiffii (timesedler). Uppernarsaatit aammattaaq tassaasinnaavoq suliassap naammassisinnaanissaanut avataaniit atortorissaarutitigut ikiorteqartariaqartoqarsimappat avataaniit siunnersortigineqarsimasiit akiligassat allagartaat (faktura).
 suliap naammassisinissaanut Najukkat pillugit Oqartussaasup ilumut aningaasartuutigisimasaanit annertunerusunik Najukkat pillugit Oqartussaasup utertitsiniarsinnaanera aalajangersakkami siunertarineqanngilaq.

§18-imut

Namminersorlutik Oqartussat inatsisinik pilersitseriaasianut malittarisassat malillugit, Inatsisartut inatsisaannik pilersinneqarnermi pingarnertut malittarineqartassaaq manna; pissutsit immikkorluinnaq ittut pissutigalugit, malittarisassaaq tamanna saneqqunneqanngippat, inatsit ullormik atuutilerfiusumik imaqassaaq. Nalinerneqarpoq Najukkanut Inatsimmi qularnanngitsumik pissutsinik immikkorluinnaq ittunik atuuttoqarumaartoq, atuutilernissaanut Kalaallit Nunaata Najukkanut Nalunaarsuiffia atortorissaarutit eqqarsaatigalugit pilersereersimanissa ingerlanneqarnissaanullu piareersimanissa piumasaqaataassammat. Tamatuma saniatigut, Naalakkersuisut aqutsisoqarnikkut najoqqutassatigut nalunaarsuiffimmut tunngaviusunik paasissutissanut nalunaarutigineqartussanut maleruagassanik anniktsualuttalersukkamik, ilaatillugu nalunaarsuiffimmut paasissutissat nalunaarutigineqarnerinut nalunaarsornerinullu malitassanik (system-imik) aalajangersaasimassasoq aammattaaq Najukkanut Nalunaarsuiffiup ingerlannissaanut piumasaqaataa voq.

Taamaattumik siunnersuutip atuutilerfissaanik piffissamik, aammalu siunnersuutip immikkuualuttortai assigiinngitsut piffissani assigiinngitsuni atuutilersinneqarnissaannik Naalakkersuisut aalajangersaassasut siunnersuuta a voq.

Aallaavittut Kalaallit Nunaata Najukkanut Nalunaarsuiffia pilersinneqaruni, ingerlanneqalerluni atorneqarsinnaanerminullu piareerpat, siunnersuut atuutilersinneqassaaq